

瓊山縣志卷之十三

古蹟畧

關中勝蹟洛陽名園古人勝地名區猶留記載原以紀當時之開化昔賢之宦遊與地方風教攸關一興一廢胥見人物之盛衰不僅傳舊事著錄異考城坊記山水而已吾瓊西漢置郡逮唐宋名賢謫宦存神過化大關天荒其名勝留傳學士文人每多題詠訪古者不勝流連之慕焉舊志未有專編記載簡畧後人覽其遺跡不知古人何事流傳安能生其曠世之相感是子京記畧可不必輯象之紀勝僅留篇目與輿地何關重輕也今仿阮通志例廣為搜羅詳加甄錄有缺畧者補之有譌誤者正之俱附詩文於

瓊山縣志

卷十三

古蹟畧

事後不使前人事蹟遺佚不存志古蹟

珠崖郡漢置漢書註云郡在大海中厓岸之邊出真珠故曰珠崖水經註云大海中南極之外對台浦徐聞縣清明無風之日望珠崖州如困廩大今縣東南東潭都石凌村即其故址有瓊崖嶺珠崖侯王廟今合

祀在靈山

舊志增

明鍾芳珠崖詩前代珠崖郡於今少窳臣山橫天有障地盡海無垠異種三生穀殊言五等人淳風傳古昔力作自相親又珠崖雜興詩抱郭名峯面面奇海風吹水碧參差千村並育方隅靜四季長春草水知地盡波濤分造化俗殊言語雜侏儻鈞鼇誰似唐遷客同賦登高望關詩汗漫波濤限一州濃冬天氣似深秋島雲盡掃月平檻危笛一吹風滿樓山下小園收吉貝屋邊深樹叫鞦韆青青草木經年秀剛觸愁人早白頭

崖州在縣東二十里本隋顏盧縣唐改名顏城武德中

置崖州於此今顏村側龍盧洞即其故址舊志

明史朝宜龍盧洞詩棟宇春深到古盧暖風晴日集
靈都野花作意當筵落山鳥迎人隔岸呼綠暗烟蘿
低蓋入丹懸嶺樹緩車驅探幽兼得高賢宅羅密根
前坐日曠

舊州在縣東南六十里麻釵一都濱江築城引小溪為

濠址跡俱在宋開寶間廢唐武德中欲置崖州於此

適有飛樑之異始移於玳瑁縣而以舊州名之舊志

按舊志謂移置瑋瑁縣誤蓋瑋瑁乃漢晉時縣名隋

改顏盧唐改顏城考唐時故無瑋瑁也郡志

又按舊志宋開寶五年始徙瓊山於今治築城凡三

里見城池而城邑考又云今府城唐貞觀五年創置

瓊山縣志 卷十三 古蹟畧

宋元因之二說互異據此則唐初所移建者在顏城

城邑考殆未之審耳而飛樑之異今世俗流傳乃謂

其在今治以舊名州似在宋不在唐也不然唐於其

故址既已號為舊矣又何俟至宋開寶而後廢哉姑

誌之以備參考

瓊山故城在縣南六十里本漢瑋瑁縣地唐貞觀五年

置以縣西六里瓊山得名輿地紀勝

明丘濬瓊山詩環海三千里珠崖第一山名馳四海
內秀出萬峯間月下森瑋瑁風前振瓊環孤高尤瀾
澤蠟屐未容攀
元范惇瓊山出郭詩自出瓊州石郭門更無平行似
中原重重葉脂桃柳
兩知是黎人第幾村

舍城縣故城在郡城東北二百六十里隋大業中置唐

武德四年平蕭銑置崖州治舍城縣以舍城水為名

宋省入瓊山縣參通志

按郡城東北俱是海其地無二百六十里之遠字疑有誤

顏盧縣城在廢舍城縣境隋置唐改顏城屬崖州在今

縣東二十里後廢郡志

武德縣城在縣東南陶公山下隋置今廢郡志

瓊臺在府治西唐設都督府宋置瓊管安撫都監皆稱

臺舊志

明丘濬瓊臺春曉詩縹緲波濤四望中春光曉色迴
相同雲開若木天頭白水擊扶桑日脚紅海島三千
餘里地花朝二十四番風陽春有脚行初到和氣融
融滿太空又清王沂暄詩陰晴天氣遍東西一樣

瓊山縣志

卷十三

古蹟畧

三

春光入眼迷瓊島風薰烟半捲海門日薄浪全低穿
林紇鳥吹簧巧夾道蠻花簇錦齊九十韶華留不住
感時遺興自留題明鍾芳寓瓊臺詩寒燠深冬始
覺均海潮天風候異常倫客綠幽眼頻留醉天為還荒
倍借春潮落日龍歸舊窠兩餘花柳試新痕長安北
望爭何許紅日光芒麗五雲
瓊臺八景一五指參天丘濬詩五峯如指翠相連
起炎州半壁天夜盪銀河摘星斗朝探碧落弄雲烟
兩餘玉笈空中現月出明珠掌上懸豈是巨靈伸一
臂遙從海外數中原七星寒秀鄭廷鵠詩天外笑
蓉曉嶂開七峯蒼翠擁仙臺紫垣珠斗空中落白馬
懸北極堯天迴何羨高秋迴五嶺月明清夜近三台
鵠詩山蘿高捲石橋瀆紫塔幢幢拂五雲雁影昔年
還北渚龍吟此日引南薰歌鐘清徹流風轉舞扇瞻
迴落日曛衣錦題名思往事杏花亭上正氤氳四海
門秋月鄭廷鵠詩秋蟾朝生月正懸天高海濶夜娟
娟龍沙萬里蟾光動珠浦三更蚌影圓風捲浪花驚
宿鶴水鳴霜葉觸啼鵲真游那得更乘槎夢直泛銀河
學聞仙五瓊鳥春曉明陳鱗詩天地春回大海中韶
華不與異鄉同林柳葉老無窮碧海漆花嬌別樣紅
鐘鼓響低千瘴月客船牽動五更風平明縱步瓊臺

看描畫丹青四面通六陶公福地鄭廷鵠詩五指迢迢擁福山陶公盤鬱海雲間寒潭夜雨蒼龍吼曲水春風彩鳳還竹徑石邊看一塔草亭峯外送雙鬢仙台不祕長生藥蒲節松花可駐顏七環瓊海色明程瑩詩巨浸空中一島清四圍海色透南溟風生浪湧千山雪潮落沙明萬戶星蜃氣晴墟村霧濕龍涎夜吐水雲腥凭高正見鱗旗動烟外來帆有貢船八靈山疊翠明王愷詩名山高處有仙陞山秀鍾靈景更奇澗小竹深流水細林幽風轉落花遲眼觀宮闕玉雲近心動鄉關萬里思身在天涯同是客不妨游衍醉金卮又王增佑詩靈祠形勝仰山河載酒來游發浩歌林下坐聽啼鳥緩風前吟對落花多碑嵌古壁生苔蘇樹老空庭長薛蘿歸向江頭還喚渡一篙明月泛清波

瓊臺覽古清吳鴻詩橫海樓船出漢家南荒一髮啟朱耶地穿絕島圍龍窟山壓羣黎樹虎牙颺母有風飛熾浪天孫無路接銀槎名香十斛氤氳集吹遍瓊臺四季花瘴雲迴合鳥飛窮直北長安一望中箕尾星懸沈夜氣枕椰葉老颺秋風一時春夢憐村媪千古孤寒泣合公此地由來遷客藪不堪哀怨楚湘同邱海大名齊海甸祠隣玉局奉蒸嘗著書自裕經綸業憂國還成哭泣章零落諸孫南巷阮駉驪異代曲

瓊山縣志

卷十三

古蹟畧

四

江張十三州邑鍾靈地後起何人振夕芳瓊臺懷古方竄詩籌邊同著漢家勲此地先馳露布文敢怪廟堂勤遠畧却教海甸識將軍風酣草木儲秋氣日暗天南半暮雲把酒更窮千里目旅懷愁絕海無垠高涼尚未厭征鞍鋒鏑鏘鏘化字寬巾幗幾聞能講武戈鏃輪與獨登壇力征百粵羣氛淨心護南朝一寸丹終古瓊臺畔水東流猶為壯波瀾惠陽老吏涉鯨波天忌多才予折磨得罪自知緣翰墨緘愁何事復悲歌小亭烟靄留殘榻古井泉甘覆翠蘿舊結檉榔菴在否幾時載酒一經過頓撥蠻荒宿霧開勝朝文物舊鄒枚蘭臺盡守中丞法藝苑爭傳上相才蕭瑟叢祠猶俎豆荒涼孤塚自莓苔山靈豈惜鍾英特會有羣賢出草萊王沂臆詩瓊臺步武潮高風多少名賢在此中地關炎荒垂盛績詩成望闕仰孤忠悲歌共羨天才放經濟羣推命世雄更有批鱗彰骨鯁心腸鐵石許誰同

貢院在縣北天寧寺傍宋南渡瓊設科取士於此試期

以六月額十三名見方輿志

舊志

舊縣學宋置在海口浦元因之明洪武間知縣李思勉

遷於郡東東坡書院九年知縣陳槩復遷於南郊築
考古臺宏治十一年副使陸淵遷附府學臺廢今基

址猶存舊志

王國棟考古臺懷古詩奇甸南溟聞天語特命儒臣
宦海宇一朝風氣開文明化治海濱成鄒魯考古先
生明通儒司鐸瓊臺文教敷掌學愛才雖陽范分齋
傳授安定胡王唐張陳講席侍衿佩從游履綦萃興
起斯文非偶然學範一編先勵志嘆我成高臺
一席名山風雅開造化經綸留著作倡明理學宏栽
培再傳文莊海外起名賢相業著青史是邦郁郁多
人文孰不高山共仰止泰山頽兮吾安仰哲人萎兮
吾安放仲廸心喪營墓廬平侯銘勒光泉壤學宮移
曠泮池昔時講舍存故基瓊漿井汲修綬前賢手鑿
泉猶洽訪古吾過道義衢尋碑讀銘墓門趨七尺狐
墳留瓊島千古高風在海隅累代增修展拜謁志
太虛名不沒專祠特建連宮牆祀典春秋補遺闕太
息斯文將喪天瓊山絕學誰能傳吾願心奉瓣香祝遙
從異代景先賢

瓊山縣志

卷十三

古蹟畧

布政分司廢行署在府署左後以崇文書院為之今圯

郝通志

石山巡檢司明洪武初設在縣南七十里遺別都知縣

李思廸建永樂丙戌曾委帶銜巡檢士舍王觀朝權

理撫黎今廢舊志

稅課司廢署在府西北郝通志

蕃民所在海口浦即今海田村元建所置官立其長麻

林為世襲總管今子孫為蛋戶舊志

河伯在海口城外今廢郝通志

遞運所在城北十里海口都明洪武九年創設以便遞

送渡海公文隆慶戊辰裁今廢全上

星軺驛在白沙口宋建今廢全上

按郡志古蹟有元海北海南道分司廢署明察院廢

行署海南提學道舊行署理刑推官督糧通判廢署

瓊山縣廢署縣丞典史舊署已詳各公署中不再錄

海口舊公館明成化間創建於北城外天妃廟左為各

官渡海駐節之所久廢今改為天后宮舊志增

白沙公館在城北十里今廢黃通志

趙汝郡志汝瑤營在白沙口宋趙汝瑤率義兵拒元死

節於此舊志

白沙口哀詩序嗚呼趙與瑤死後三閱月而宋亡矣
自阿里海涯戍鄂以來數年之間荆南江廣望風而
迎降間有如高世傑李芾馬槩之苦節拒敵亦不過
斬首自盡而已豈有若此裂殺之慘哉且當是時西

瓊山縣志

卷十三

古蹟畧

六

來迎刃之大軍隔海矣同心之應科已死矣宋之士
宇垂盡矣豈不知大勢之去螳臂之不可禦然所以
必謾罵以泄其憤堅守以固其節者心焉而已宋室
守臣死節雖多豈有後於趙與瑤者哉然以遠土孤
臣史氏不為立傳續綱目不為大書可惜也夫雖然
此猶食祿也若謝明謝富冉安國王之傑輩郡士耳
服死已難而又甘受剖磔何其烈也然或知義者至
於瓊民當海中之再稱制則首起以應之崖波忠魂
不知幾許欽廉高化糧積既為史格所運獨盡室傾
困以濟冒浩漾而不辭馬旺既主其郡猶篤一心日
致數警檣旗報仆帝屍久浮黃威速等尚未甘心詔
置極刑而不悔卒之海陵潰散臣卒數千皆不他適
特向心而遠依焉其精誠意氣之咸召又何如哉噫
瓊去中原萬里朝廷政澤之沾獨遲及國之亡也人
心固結獨後於天下豈三百年惠養之所致歟抑張
趙二使君當日之義氣所激歟或人情風俗之美而
自不能已歟故論三百年之天下其先人心之歸也
始於陳橋其後人心之不忘也終於瓊海所謂後死
之睢將不帝秦之齊士閉城之魯民皆兼而有之矣
孰謂南荒之外而有此地也哉桐鄉外紀有哀使君
義士詩而不及民茲特強裁以補云唐胄補序王
佐哀使君詩末路誰當國步艱瓊州節概重常山心

懸北極天應遠血洒南荒地盡斑上帝亦哀麟鳳死
中原長照尾箕寒使君忠義言難盡只把哀詞滴淚
彈 哀四義士詩五更風雨晦乾坤守信雞鳴自不
昏萬戶千門皆已死汗青今見四人存 唐胄哀百
姓詩輿圖二百盡皇州宋室遺民尚有松柏誰捫
共客腹絃歌未散曾公頭忠魂幾許隨波恨孤旅三
千特地投那道深仁炎趙錄無端氣脈向茲收 清
馮藻章白沙口吊古詩地裂天掀國殄滅死守殘疆
殉大節青山一髮斷中原空向南荒灑熱血昔在祥
符年海國遍狼烟阿爾哈雅遺馬莊騰說欲下齊城
堅宋安撫使趙與路聞之拔劍將地斫國存與存君
亡與亡那桌犬羊相聚糜厚爵白沙門敵船如馬奔
率兵力戰死萬派洪濤翻當其被執頃謾罵引長頸
麾下冉黃與二謝宴皆甘心受刃無免幸得士自古
稱田橫况此孤忠日星炳我聞睢陽城雙忠合祀留
芳名又聞匡門三忠廟靈旗風動歌送迎胡為乾坤
播轟烈海外無廟亦無碣世傑死後書宋亡安撫死
節史文關請立崇祠倚危灘歲薦蕉黃與荔丹峩峩
碑勒紀事實用激 萬古壯士矢忠肝

華遠館在海口地方宋李綱謫瓊居此十日有題壁與

瓊山縣志

卷十三

古蹟畧

七

地紀勝云李丞相綱以建炎三年自澧州移萬安軍
十一月二十有五南渡次瓊管後三日祇奉德音
聽還以十二月五日北歸寓華遠館凡十日惟自唐
以來宰相有罪謫海上多矣得生還者以一二數又
皆積年始內徙而今者往返曾不踰旬天恩寬大感
極而繼之以泣云

案白唐以來宰相謫瓊者顯慶二年八月貶韓瑗振
州刺史天授元年春一月貶韋方質儋州司馬延載
元年九月貶李昭德陵水令攷唐書通鑑俱云貶欽
州南賓尉不言貶陵水
據此可補神龍二年六月貶敬暉建中二年十月貶
正史之缺楊炎俱為崖州司馬永貞元年十一月貶韋執誼元

和十五年閏正月貶皇甫鐸大中二年冬月再貶李德裕唐書本紀三年九月再貶崖州司戶俱為崖州司戶咸通十四年九月再貶韋保衡澄邁令光化三年六月貶王博天祐二年五月貶獨孤損皆為崖州司戶宋太平興國七年四月盧多遜崖州乾興元年七月貶丁謂崖州軍參軍是皆李忠定以前宰相貶瓊者旬日賜還厥惟忠定宜其題壁以紀天恩今館廢已久故址莫考鐘樓在譙樓左縣學後右明洪武間桑昭建樓久廢今改建縣學明倫堂其鐘即移府城隍廟內舊志增瞻雲樓在府治後明嘉靖癸丑知府張子宏建久廢舊志增

瓊山縣志

卷十三

古蹟畧

八

海天一眺樓在倉後城上郝通志今廢舊志

海山樓在舊道前宋建久廢舊志

海雲樓在郡治宋建郝通志

郡城四牌樓在大西門外十字街久圯柱石大二尺高三尺餘今尚存新志

海口四牌樓在海口所十字街今廢舊志

鎖鑰樓在小北門外久圯臺基尚存舊志增

寶勅樓在下田邱文莊公可繼堂後公為大學士時進大學衍義補賜一部勅公建樓藏之故名今基猶存舊志

延桂樓明瓊山貢士所居大學士蔣冕記黃通志

蔚文樓在海口東門內海門社學前池中郡志今圮

東坡臺在縣東北舊開元寺東宋蘇軾嘗寄此鑿一泉

於臺旁題詩石柱云水向石邊流出冷風從花裏過

來香今稱東坡寺舊志

按開元寺在南橋當依郡志作在郡城東南

風月臺在縣治旁宋建一統志

尊經閣在府學後久廢舊志

案尊經閣萬曆七年兵備道唐可封新建自撰記文

見金石略

貞明閣在崇文書院後明副使陳茂義建久廢舊志

鑑空閣在城西宋建郡志

瓊山縣志

卷十三

古蹟畧

九

望闕亭在張吳都顏村唐崖州基址宰相李德裕貶時

建舊志郡志云唐時崖州城在郡城東二十里李德

裕望闕亭詩云獨上江亭望帝京鳥飛猶用半年程

江山只恐人歸去百匝千迴繞郡城可見亭與郡城

不遠今通志改入崖州蓋未考唐之崖州即瓊山縣

東境也

唐李德裕貶崖州司戶道中詩嶺水爭分路轉迷恍
榔椰葉暗蠻溪愁衝秋霧毒蛇草畏落沙蟲避燕泥
五月畚田收火米三更津吏報潮雞不堪腸斷思鄉
處紅槿花中越鳥啼清符家麟望闕亭詩莫以南
行恨而忘北望枕作亭三徑關對闕四愁侵碧海波
光遠丹青雲氣深何時歸鳳掖六事更陳箴馮驥
聲望闕亭詩溱溱魚龍窟乾坤曠此亭江湖仍戀闕
風雨老滄溟萬里孤臣泣九原毅魄靈維州餘舊恨
慷慨不能平王國棟詩潮陽遠謫又南溟回首京
華望渺冥萬里投荒猶戀闕千秋遺跡賸孤亭天教

奇句留山海人仰丹心炳日星憑弔類村詩偈在願
將韻事證圖經

演武亭在大教場縣北鎖鑰門外明成化間副使涂棐

以勅書內飾邊二字名其亭建於演武場翰林張元

禎撰碑久湮 國朝郡丞潘廷侯磨刮苔蘚出之俗

誤稱為定風碑舊志

利山亭在舊崖州城李德裕嘗寓此亭今廢

唐李德裕利山亭書懷詩巖石在朱戶風泉當翠樓
始知峴亭賞難以清暉留餘景淡將夕凝嵐輕欲收
東山有歸志
方接赤松遊

射圃亭在府學西數十步成化八年副使涂棐夏六月

重建邢宥有記今廢

邢宥記皇明一統天下首建儒學而附之以射圃以
教諸生之射蓋以射者學者之事禮行於學可以觀

瓊山縣志

卷十三

古蹟畧

十

德而選士利用於武可以威敵而禦強古之聖王務
焉射圃之附於學實酌諸古而以時宜制之盛典也
瓊州府學射圃出學宮門西行不百步有舊址焉地
不滿射者之力屋不蔽風雨階物不度侯服不給諸
生病之成化辛卯歲之春廣東按察司副使劍江涂
伯輔奉璽書來按於瓊政肅風行不一再越月百歲
以消百歲廢以舉民用安輯一日觀射因嘆射圃之陋
曰是弊當吏之為也思關而新之不欲勞民乃自為
措置材選其良甃選其堅工選其能拓於其址之北
并諸餘地而增之總得廣十五步袤百步有奇書地
置射亭五間左右附牆各置小屋三間砌階墀徑直
迨恢之以禁垣若展茵法制備具誠可耦進退比禮
樂而張弧矢矣工始於公至之年夏六月庚申以是
年冬十一月己亥告成總其事而董其功者郡守蒲
田吳侯琛監者義官海忠輩也為之左右而整飾其
器物者郡閩雷陽王公璉也公又自為損益大射鄉
射之禮注為射義一通俾諸生習而射之瓊益大射鄉
夫觀者聽者莫不欣然頌公能宣德意以翼文化慮
久而亡之也欲立石刻射儀以貽後人屬郡博陳禹
走書來文徵余言記之嗟夫世之食公祿而力可為
者曾有幾人而知所當為哉金壁輝煌有股民脂而
聳老佛之殿閣者風月瀟灑有殫民力而張宴賞之

池亭者其視射圃之作孰當耶抑公之崇儒化不啻此一事若學校若祭器揭經程藝皆切切於心而為之未已偉哉除公力可為而為君子所當為不隨俗而流可謂一方兵民之寄而不負委託之重者也是宜記之附於射儀之後以著其美焉

麗澤亭宋建在郡學門外亭建水中跨橋以登遍植芙蓉最為勝概因守帥游讌頻數校官厭於應酬遂廢

舊志

廣蔭亭在城東一里宋隱士唐文嚴建初名松軒翰林

學士陳士徽易名元萬戶解珣遷建於通衢舊志增

知樂亭在城南放生池上宋郡守韓璧建朱文公記明

初廣城湮其半今鐘樓南街微存遺趾舊志增

朱子記瓊筦在中州西南萬里鯨波浩漾之外其長吏常以領護島中四郡鎮撫民夷為職委寄甚重然

瓊山縣志

卷十三

古蹟畧

十一

以其險且遠也朝廷往往不暇擇人請而往者意亦私有所利固不復知有承流宣化為何等事是以其地今為王土數百年而舊俗未盡革論者因鄙夷之以為是果不足以與中國之聲教其人蓋深恥之而未敢有以雪也淳熙八年今帥守韓侯始以經畧使廉察表行州事而天子許之至則為之正田畝之籍簿鹽米之徵教之以耕耨灌溉之法而緝其官吏之無狀者民業既興有經矣然後日為陳說禮義廉恥之意以開曉之既又表其從化之民以厲其不率教者出大阡陌勞來不怠行之期年民吏浹和俗以一變化外黎人聞風感慕至有願得供田稅比省民者以是侯亦自喜其政而幸其民之不我違也乃取葦生濠上之語作知樂之亭於放生池上北望觀闕於雲天縹緲之間以為歲時瞻仰祝延之地且曰其使邦人士女嘉辰勝日有所詠歌鼓舞以自樂其得被聖化而不愧於王民也間以書屬予記之予惟韓侯之於此邦其勤至矣不但一亭之作為可書也然其為政使凡居侯之位而遊於是者必以侯之心為心又觀於其政而取法焉則庶乎民生日厚民德日新而王化之純無遠邇矣世豈有絕不可教之民哉

申明旌善二亭在縣門前今廢舊志

瑞蓮亭元建在府城南有雙池蓮開並蒂適元文宗來

遊亭上顏曰瑞蓮久廢址存舊志

魁星亭在縣學右今圯舊志

表賢亭在大城西成化丁卯副使涂棊建以表尙書薛

遠都御史邢宥學士邱濬僉事林傑及諸縉紳之賢

順治辛卯風雨傾圮礫石猶存上全

案此亭專表薛邢邱林四賢提學胡榮為記刻石詳

見金石舊志言及諸縉紳之賢有誤

雁塔亭元建在城南門外雁塔峯上明萬曆間郡守唐

可封移郡學後三元碑豎於峯上欲築塔為兩學文

瓊山縣志

卷十三

古蹟畧

七

筆不果上全

柔遠亭在郡北五里官道明天順間暹羅使臣黃坤普

倫建今廢上全

南溟奇甸亭在郡北五里官道明宏治間以石建今廢

上全

案明太祖稱海南為南溟奇甸大學士邱濬有賦

明邱濬賦伏讀太祖高皇帝勞海南衛指揮救日南
溟之大中有奇甸數千里地居炎方多熱少寒是時
瓊郡在炎天漲海之外帝即視之以畿甸而褒之以
奇之一言豈無意哉濬世家海南北學中國偶有所
見謹稽首而賦之爰有奇甸在南溟中逸輿圖
之垂盡綿地脈以潛通山別起而為崑崙水畢歸以
為溟渤氣以直通而專勢以不分而足萬里綿延茲
其獨也百川瀾茫茲其谷也豈非員嶠瀛洲之別區
神州赤縣之在異域者耶有一奇士全鍾其氣北學
於中國頡頏乎天下之士於是叫閭闔呈琅玕翺翔

乎玉堂徘徊乎道山肆言六合之外馳騁百氏之間
 自詭所生之奇勝敢為高論恣為大言翰林主人聞
 之駭而訝焉曰吁子來前子生寰區之外漲海之邊
 學何所受道何所傳何所從而至何所見而云然試
 為我一言言之吾將即子之所云云者以紀載於簡
 編士曰唯唯乃作而言曰自夫天一云者以紀載於簡
 地十成土結而為山川者天地之血脈也而外岨出乎
 肌骨而環其脈流行於肌骨之中與也其元氣之渾淪容日
 外而環其脈流行於肌骨之中與也其元氣之渾淪容日
 月之出沒然而大堪輿之外突起於浩淼之中而為
 小堪輿者又不知凡幾窟穴也是故其大而顯者為
 帝王之宇小而幽者為神仙之邱是為具嶠瀛洲一則非
 州赤縣神仙之邱是為具嶠瀛洲一則非骨蛻羽毛
 莫能到而非常理一則雖聲明文物之所萃而非真
 遊惟走所居之地介乎仙凡之間類乎鳥彘而非真
 有如仙境而非仙以衣冠禮樂之俗居闔風元圃之
 塹勢盡而氣脈不斷域小而氣局斯全九州一極僅九
 茲為其奧四海一通川流為其竅上至北極僅九
 度於天為近遠至神京幾一萬里於地為大茫茫巨
 浸兮與天為界漢漠平川兮壯地之介豈非天造地
 設藏此奇勝於遼絕之域用以見天聽之孔卑表王
 化之無外耶其為甸也可謂奇矣然奇而不怪焉翰

林主人曰子之言辯矣豈其然歟載考諸古茲地禹
 貢之所不載職方之所不書郡縣始漢武之世分野
 僅星紀之餘在漢七世固嘗棄之蓋不以之為有無
 也且甸者王畿之名非所以為遐外之域奇者殊常
 之稱豈不可以加寂寞之墟子之言何所據而云乎
 曰茲望向天百拜稽首而國言曰此大祖然懼舉手加額
 天大孝高皇帝稽首而國言曰此大祖然懼舉手加額
 地而得茲言地若增而高物若加而妍山林草木濯
 濯然如在昆吾御宿之近封疆畛域整然如與侯
 服邦畿以相連嗟夫地以人勝從昔皆然蘭渚以
 之而著天台以孫綽而傳夫以勝從昔皆然蘭渚以
 騷人墨客之所賞詠尚揚芳於四外美流於當年矧
 茲奇甸環海以爲疆者餘二千里縱步以行兮地雖
 甚遐仰首而觀兮天則伊邇一經大聖之品題山勢
 駸駸而走內向波光躍躍而立起人物則且然人可
 然則走良有以者豈無所以耶主乃御焉而思俯焉
 序壯而所走四方雖生於其所以主乃御焉而思俯焉
 也容有所不能詳蓋嘗歷考夫禹益之所記緬想夫
 章亥之所步古往今來之宙上下四方之宇天左
 而起率牛地右闢而起昂畢天有四維地有四極東

瓊山縣志

卷十三

古蹟畧

圭

而氣之通也胡為無異若是者雖云生物之偶然安知造物者之無深意也然則茲甸之所以為甸而奇如人何無乃奇者庸有在於是主甸人曰然此物之奇爾不然何天地之大流行之為奇獨鍾於物而遺於人耶士曰帝北都天地自豐鎬中而堯舜漸南而洛中蓋自北而漸南非獨天地之氣為然而帝王之治亦循是為山又介乎東北之間自北而東折歸於南其氣之為所以融結而流行者非止乎一水一山之外其餘而為嶺水之委而為海者是甸居乎嶺海之外收其散而為嶺水之委而為海者是所以通其鬱而解其結其域最遠其勢最下其脈最細是以開闢固其理也亦其勢焉是以三代以前茲遲而發也遲固其理也亦其勢焉是以三代以前茲地在荒服之外而為駱越之域至於有漢之五葉始偕七郡而大於中國曼胡之纓未易也椎結卉服之風未革也持章甫而適之尚惜而未之識也魏晉以後中原多故衣冠之族或宦或商或遷或戍紛紛日來聚廬託處薰染過化歲異而月不同世變風移久假而客反為主馴獮悍以仁柔易介鱗而布縷今則禮義之俗日新矣絃誦之聲相聞矣衣冠禮樂彬彬

然盛矣北仕於中國而與四方髦士相後先矣策名天府列躋縉紳其表表者蓋已冠冕佩玉立於天子殿陛之間行道以濟時而堯舜其居民矣孰云所謂奇者顯在物而不在人哉主人乃離席而立拱手而言曰神矣哉聖神之見乎其所謂奇者蓋至是乎驗矣土曰不然何地不生才而才生不擇地人亦之生何地無之奇哉奇哉豈止是哉當我聖祖肇基之初輿圖際天地而兵衛極邊鄙絲綸之音雲漢之章無日而不下無處而不至然而奇甸之言乃獨以專美茲地非甸而謂之甸未奇而預期以奇豈無意哉蓋帝王之代乎上帝聖人之心通乎天地故能握乾符而妙奪神功闡坤珍而翰旋厚勢遠移而近書軌合以皆同質變以文聲教暨而靡異咫尺之間振舉乎萬里斯須之頃流道乎百世化庸腐以為神奇變雜駁以為精粹遐兮如邇來兮如既凡其所期兮罔或不遂引而弗替兮終萬古而如是則斯地之所以為甸而甸之所以為奇雖造設於天地然所以表而章之昭示於萬世者實本乎奉天啟運宰制山河之聖帝翰林主人貽茲言也輾然以昭懋然以唱曰秘矣哉天之藏此地也遠矣哉聖人之昭懋然以唱曰秘矣開地闢此區不知凡幾王幾帝矣然而多視之以窮

荒或遂至於遐棄孰謂其今日有是哉不假詞臣之
代言不出輔臣之建議今一旦無事發淵衷運睿慮
形之於言以為絲綸之製夫豈無所為哉皇之言天
之意也士言及此亦奇士哉於是三復士言而繼之
以歌曰明明我聖祖兮載關地而開天惟上帝眷顧
兮付以其所覆之全仁周八表兮顧獨倦倦於窮海
之一壘奇哉茲甸兮何幸得聖人品題之言千秋萬
祀兮長炳炳琅琅乎天地之間

濱淪亭在子城西永樂間張善教建久廢上全

老農亭在城南久廢上全

教鋤亭康熙四十七年為知縣王贊立瓊屬種田多不

知耘王公捐俸製鋤千把散給各圖為式且親履田

間命家僕下田把鋤以教之農人為之立亭以紀其

功上全

野花亭在學士莊前邱濬記郡志

瓊山縣志

卷十三

古蹟畧

六

邱濬記禮曰天地溫和之氣盛於東南五嶺地當中
國之南而吾郡又居五嶺極南之微天之暘明貫通
於四時地之清淑旁鍾於庶類是以物之生於斯也
形瑰奇而色鮮華味甘美而氣馨香獨異而且多凡
他郡所有者多有之而其所有又有他郡所無者予
自蚤歲粗知讀書即有意於物理之學而於花卉亦
傍及焉凡名具於載籍文字間徧即人家園圃求之
亦多有其所無者無幾爾而時又於載籍文字之外
得其無名者甚多意謂方名不同耳他處或有未可
知也及游郊野山澤中所見愈多中有甚奇特秀絕
者詢之士人或有名稱或無名稱不止一類意謂游
歷未廣安知他方無其類邪既長渡海而北歷高雷
之境抵於羊城由是泝瀆溪踰庾嶺泝章江而下浮
大江歷吳楚齊魯宋衛之境以達燕京所至遇士夫
博雅好事者往往詢之所見不過同此數品其間載
籍文字所具者亦或有未識焉或此以為是而彼以
為非迄不知所定於是乎嘆曰花卉之生於中州可
謂幸矣然人且猶有不盡識者矧不幸生於遐外之
域者哉其不見知於人無足怪也是雖有瑰奇之容
華艷之色芬芳之氣亦無由以表見於世惟自生自
落於荒山野澤間與蓬蒿榛荆伍而已一何不幸之
甚哉使誠一日有所遇焉持之而北與他方所有者

瓊山縣志

卷十三

古蹟畧

七

相比較固未必盡出其下或超而出之者亦未可知
焉而於彼生得其地遇得其人方且植之於庭階之前
培之於盆盜之內滋之以膏腴沃之以清澗慮其弱
也扶之以竹恐其燥也蔽之以蓬虞其或為物所傷
觸也而又護之以關檻朝視夕顧以觀其長成開發
迨其及時而開也設具召客以賞之分題賦詩以詠
之詠之不足而或又寫之以圖不幸為風雨所摧敗
焉相與嗟悼之無已若是者豈其物之一皆足以動
人哉得所處也歐陽子有言凡物之幸不幸視其處
之而已予與是花同處遐遠之域日親見之者多矣
皆他方之所未有者也其容其色其香一皆出於天
然而未嘗假毫髮之人力且猶如此使其得與於天
家苑固軒擲之末而受園丁之培養為士夫之賞識
殆將與之爭妍競秀未必盡出其下也其如所處不
得其地何予每見而憐之思欲移入家園中因其類
而命之以名每有未雅者為更之有志从矣歲己丑
聞先妣喪歸自禁林明年抵家又明年始免喪乃謀
於鄉友好事者遍於山野草澤間遇草木之花卉苟
可以入目供賞者盡移植吾學士莊中前後致數百
種爰於其中構一亭以為賞玩之所名之曰野花亭
意將待其封殖既成之後標其名而繪為圖每種各
咏以詩使草木之生吾土者雖不幸不見賞識於

留耕亭在城東一里明景泰間隱士唐寅建邱濬有記

邱濬記瓊大姓附城而居者東則稱唐氏唐氏世多
賢至履正翁尤仁厚長者嘗去所居一里而近平田
中築土為墩墩上構草亭日登其間以督耕者以觀
稼穡一日携諸子遊焉屢顧而歎時子彥宜侍側臨
而問曰大人何歎也翁曰吾悲夫人家之盛衰不常
而盈虛消息之理恒乘除於其間也天地間萬有皆
不可恃所可恃者吾方寸間耿耿者爾試與爾觀之
酌酌而芘芘之環吾亭之址以至於目力之所不可盡
窺綿倉莽之際孰非膏腴之田乎是田也非一家所
有也有之者固非世業數十年者矣又有不數年

間而屢易主者矣或暫得而遽失或失之未久而遠復是雖無情之物而人家之成敗興替恒必由之惟其得之也以義則能以悠久而不失不幸而失焉亦將不旋踵而來歸矣彼得以勢以力以計者卒反是嗚呼自其人恃力以欺其人之孤寡也而吞併其田田自其人用計以乘人之愚暗也而巧取其田田今如故其人安在哉其子孫何如哉惟仁惟義可以久長凡其世澤之遠家慶之長昌衍而賢明既廢而復興者皆自乃祖乃父方寸中來也小子識之彥宜再拜時翁之弟履信以衡州府倅致政家居聞翁言而題之曰吾兄之意其唐賀監詩所謂但存方寸地留與子孫耕者與請摘其語以名其亭曰留耕翁曰然翁既捐館彥宜以事來京師館於予泣以翁言見告且曰願有記余翁之通家子也不忍辭遂撥翁語受彥宜俾持歸以志諸其亭之壁時以語館閣中諸公咸歎曰有是哉各賦詩以美之凡若干首併附於左方時成化元年

樂耕亭在墨客村明邱文莊曾孫郊建海瑞有記

海瑞記始予未接西塾先生意一豢養之人云爾獲交數歲見其誦砥行廉隅之士欣欣然羨焉若有企

瓊山縣志

卷十三

古蹟畧

六

望弗及之意嗚呼休哉茲世祿之難也交益久見其聞仁篤檢約之行欣欣然羨焉行且欽崇勅厥躬詩禮訓厥子敗度維欲敗禮維縱將深愧弗為焉嗚呼休哉茲世祿之難也嘉靖甲辰之歲予瞻玉堂遺址之西墨客村構樂耕亭於上將以統率僕佃之耕非徒取名於此也一旦以其事為予誦予訝且喜曰賢哉先生樂耕之意乎而尤之者則曰不此之葺而顧彼營焉裕祖之蠶非孝也予意不然賈子稱一夫不耕或受之饑一女不織或受之寒今之為民者五曰士農工商軍士以明道軍以衛國農以生九穀工以利器用商賈資焉而通於天下身不居一於此謂之游情之民游情之民君子之所不齒也世成以異端游手目之而不知儒生貴族特甚先生以文莊嫡裔居寶丞之榮俾自棄於游情之域以逞無疆之欲則凡可侈可淫之物罔一不備其為園夫紅女之蠹可勝痛哉視異端游手之害十百矣維亭有作為耕也且以樂名推此意也必不忍腴若飲食為穀粟之靡必不忍耽若衣食為布帛之蠹又必不忍厚若聲色淫侈小物為世祿子所有者咸憂憂蘊崇之斯盡矣嗚呼不賢而能之乎仁篤儉約親親之行節氣之重行且期於反官之日矣亭扁樂耕豈曰小補之哉若

夫流連光景假此亭為聚游之地瞻玉堂有迹亦殃也烏乎孝始而士今而農不為五民之蠹詩曰孝子不匱永錫爾類其先生之謂乎嗚呼賢矣哉先生曰茲吾志也敬持以為記又詩源流活水溢平川桃色花香總自然海上疑成真世界人間誰信不神仙棋驚宿鳥搖深竹歌過行雲入九天良會莫教輕任別每隨流水惜芳年

洞酌亭在城東北里許蘇東坡得雙泉於此郡守承議郎陸公建亭覆之並求亭名與詩東坡名之曰洞酌歲久雙泉與亭俱廢明萬曆間郡守謝繼科別建食源亭於金粟泉上而移洞酌亭於城內之東坡井後俱圯至清乾隆年間學使翁方綱復建亭於東坡書院前金粟泉之右補題其額曰洞酌道光四年復圯巡道周鳴鑾知縣張德馨重修郡志

瓊山縣志

卷十三

古蹟畧

九

按城內東南隅有東坡井舊志云宋時舊在城外明初廣城始圍入城內東坡嘗飲息其處故名萬曆時雙泉久廢謝繼科以此井舊在城外當與金粟泉為雙泉因建洞酌於東坡井上今其碑記亭址尚存考東坡海外集云雙泉相去咫尺而異味東坡井距此里許其味又常與坡公語不合非當日之雙泉可知亭不當移建於彼也參用府志

又案萬曆四十年郡守翁汝遇建粟泉亭開地得東坡磚文云洩盡先天祕再修來世身若思逢故友二姓草頭人旁有東坡行書據此則洞酌亭原在城北而非在城內之東坡井謝繼科移建於城內非宋建

亭故地翁學使方綱復建亭於金粟泉右補書洞酌
亭額道光年間重修同治八年郡守戴肇辰又增修
有記刻石文詳金石畧四卷至光緒十五年巡道朱
采改建蘇公祠新建海南第一樓祀五公其上即改
洞酌亭為觀稼軒翁方綱戴熙兩學使題額蓋毀憲
今擬補額以復前賢名蹟

宋蘇軾洞酌亭詩并序瓊山郡城泉泉感發然皆冽
而不食丁丑歲六月予南遷過瓊得雙泉之甘於城
之東北隅以告其人自是汲者常滿泉相去咫尺而
異味庚辰歲六月十七日遷於合浦復過之太守承
議郎陸公求泉上之亭名與詩名之曰洞酌酌彼
兩泉挹彼注茲一瓶之中有澗有瀾以滄以烹眾賦
莫齊自江徂海浩然無私豈弟君子江海是儀既味
我泉亦嗜吾詩 杭世駿寄題洞酌亭用王書門少
參韻三首雙泉見何時欲酌豈辭洞風爐竹裏烹我
有一囊茗頻澆酒吻渴竹榻夢初醒傳聞此邦人夕

瓊山縣志

卷十三

古蹟畧

三

汲續修綆冷照佛頭青甘味仙體永謨謨風吹飄高
嶺隔秋迴長懷玉局翁幽意默自領 金粟非雙泉
雄辨費斟酌舊泉良復佳新泉亦不惡取求戒暴珍
豫恐水源涸一泓千載傳物貴得所託 失腳墮荒
源穴出不可并為藏為瀾洑孰為釋水名美哉風俗
厚鑿飲懷先型 王承烈金粟泉歌靈源隱現如川
至出坎八坎不少壑飛則為瀑發為泉露湛烟霏灑
青翠半弓隙地蟠虬龍誰尋土脈矜神智一自東坡
破謫來破險穿幽竟深邃忽如流箭鳴空中石竇聲
隨雷奮地又如萬斛跳珠幾依稀頻下鮫人淚粒粒
尚餘稻花香點點疑自蟾宮墜朝朝暮暮汲復汲旋
轉轆轤下綆繩攜歸春甕入庖厨茶竈糟牀聊相試
噉來不覺沁心脾客至值堪供酒食可憐道人慕城
市果腹長將瓶甌棄泉雖有本不可邊泥潔沙淤已
漸漬水有時凝石有泐斷碣殘碑盡消漸前翁後謝
相光輝修舉廢墜成有志自是山靈顯神奇掘地適
得草行字疏之濬之不辭勞亭院禪堂皆美備君不
見黃河曲直千百折控瀾引清漣漣又不可見長江
出沒一萬里迎潮欲作歸海意渾渾灑灑羅襟胸一
勺涓涓何足異那知逝者有如斯我訪遺跡勤瞻企
選勝獨步泉上亭探奇更入泉邊寺朗誦蘇公洞酌

詩飲茲泉兮思所自
馮驥聲河酌亭懷東坡先生
詩敲我玉如意飲我玉醪
醴借我瀟湘萬古之明月
照我瑤瑤十里之荒城
拂我寒芒三尺之寶劍
登我縹緲百尺之孤亭
孤亭蕭瑟風颺颺
巖巖山蒼蒼
猿鳥愁抱珥龍文
忽對峙雙娥
淡掃瓊臺
秋亭中何人吹
熾笛使我懷古增歎息
可憐玉堂學士身
翻作萬里炎荒客
炎荒之地古珠崖
東坡居士身然來先生亦
仙亦佛大自在
一切讒言謗語
含沙射影
何足櫻胸
懷通潮閣詩
思催載酒堂
吟侶陪先生
遊處草木皆
生色頓令十三州
縣鴻濛風氣朝
開吁嗟乎先生之
身多不偶
先生之名已不朽
先生誕生距今八百四
十年猶有流風餘韻
膾炙千古
人口紛紛
章蔡徒身名
竟何有
我來調遺像
弔古生悲涼
長嘯一聲
凌天閭
當空招呼赤鳳皇
徑載公魂飛下白雲鄉
乘風歸來
斯亭旁再拜
酹公一蒲觴
酹公一觴
雙淚落大雅沈
淪人不作
獨立寥寥今古
春西望峨眉
雙眉愁殺人
瀛蘇公泉詩
一泉清噴寒如玉
一泉清冽每浮粟
云是蘇公當時開
至今井甃蘇猶綠
何分大淪與大瀾
盈盈汲者盈關
下惠通之泉
可涸湖澗酌之
亭可盤桓
我願味公泉兼
欲濟公詩
中之意
如灑淄豈是
當年果有刺地
法抑緣海脈
滄溟為從知
所號蘇海
才已驚浪雪
濤奔雷收
拾山川錦囊裏
涓涓流澤留

瓊山縣志

卷十三

古蹟畧

三

瓊臺為問石泉槐火還如昨
識否源頭從處來
鄭廷鶴東坡雙泉詩
東坡留勝跡
故老識雙泉
澗酌常如舊
灑淄各自妍
參公應是主
牧守正須賢
興復何年事
長歌豈弟篇
黃陂姚哲浮
粟泉即事詩
浮山詎可棄
砥柱海中流
霧捲峯峯見
泉清粒粒浮
眉山春夢杳
交趾據鞍遊
祇是良臣翊
寧煩聖主憂
洞酌亭八景一粟井
浮金莊時著詩
一粟留孤島
泉深水養苗
龍津疏沃野
仙種落晴霄
粒湧光搖壁
香分色在瓢
到來餐白雪
千載寄空寥
二蘇亭
蘇李說詩
迴崖幔小築
落落濺瀾漪
瀚瀚朗入青
千樹虛涵碧一池
疏楹穿粟眼
隔檻露山眉
指顧苔邊石
坡公醉醒時
古陳開春詩
酒南來日
人穿曉嶂
梅流風千碧影
古注紫雲胎
陳咸詩
內翰已
成春夢事
置公丘壑
正相安
憐聲初起
泉聲亂
僧影遲
歸月影
殘五指
練垂窗
牖靜七星
劍挂屋梁
寒當年南
徒無官舍今日
樓臺却壯觀
三碧溪
新漲大埔
楊纘烈詩
門臨百折
一流明
激濫春潮
次第生驟
雨驚濤
初赴壑輕風
細縠總環
城汀來白鷺
當軒立
艇倚青莎
隔岸橫為
問靈源
探活水
濫觴五指
海擎四綠
野香荷楊
纘烈詩
秀野晴明
百卉肥清
風攜得
異香歸
低應把臂
追君子
便與開樽
酌少微
雨送殘春
翻翠蓋

烟濃首夏縱紅衣爭妍出水鞭先著莫待秋來怨夕
暉五亭前皓月洞酌亭前渾乳鮮清輝蕭爽月輪
圓一泓水色浮金粟千載秋光護玉泉桂散花風飄
古井珠傾葉露灑平田柳陰石上斜斜影孤鶴長空
喚海天六檻外寒秧凭欄彌望一陽通海甸清曠
接遠空歲晏人清菖葉雨臘前秧插杏花風千畦水
岸黃泥岸兩部蛙喧綠草叢點綴殘冬生意好陌頭
還見佛桑紅七初陽塔影海日曛曛若木低塔光
突兀過亭西影干曉露凌雲筆尖拂晨星取月梯漫
擬金莖仙掌動應同玉筍佛名齊文峯拔地千尋起
夜半聞聲好舞雞八百雉霞光瀟灑女牆傍水涯
烟浮萬疊映晴霞朝敷曠岩通城錦晚照輕明滿縣
花迢遞柝聲傳戊閣參差樹色芾官衙遙臨粉堞閒
敲句細雨新秋日正斜襄平范時捷浮粟泉詩何
處靈源通海島乾坤未鑿混雙清一經逐客開生面
遂使遊人足勝情龍噴玉漿浮雪色鳥銜金粟幻泉
聲不妨日酌宜吾性龍噴玉漿浮雪色鳥銜金粟幻泉
酌亭懷古詩四首宦海相逢遠謫來孤亭高築瞰城
隈天將詩境炎荒關地得名賢景運開鴈詠千秋傳
韻事甄文一出歎奇才我來憑弔尋遺跡碑刻摩挲
口幾回世事如春夢一場何妨萬里是吾鄉天南
鑿井泉舊測郊外尋詩句亦香一片雄文嵌古壁千

瓊山縣志

卷十三

古蹟畧

三

年鴻爪印退荒維持風雅留名勝翁謝名垂奕奕禩芳
英蕩遙臨大海瀆重尋洞酌景清新覃溪寄輿工懷
古醇士留題妙入神二閣詞鑄池上石百年讖應草
頭人回思公謙名流集先後能扶大雅輪紹興廳
節飲雙泉遺蹟重修鶴俸捐手闢崇祠能補缺材儲
精舍為興賢思將瓊島名山占不愛蘇齋墨寶傳堪
嘆亭存名已改情深弔古倍流連元王仕熙東坡
書院詩元祐先生玉署仙海南遺跡有雙泉古城雲
鎖荒祠月高樹風吹野水烟酌水浮杯空九曲斷碑
懷古又千年醉醒誰唱滄浪曲興在出城縹緲邊
清丘將瓊東波祠詩金蓮撤後謫天在涯帝遺瓊南得
所師一代文章開瘴海千秋風月在巖眉迷歸仙佛
原無主交舍符黎欲倚誰自古才人多被謗精誠惟
有後宮知舒喬青謁城北東坡先生祠詩孟夏衆
芳歇旭光浮綠林坦步出北郭村徑幽以深溪清見
游鱗樹亂聞鳴禽浮雲動孤塔疏烟生遠岑振衣度
危橋崇祠修竹陰坡公去千載雙泉留至今泉聲悅
我耳泉味洗我心微風響林木鬚鬣聞高吟寺靜清
馨搖碑古荒苔侵下拜
復徘徊去鷓有餘音

洗心亭在金粟庵前乾隆癸丑知府葉汝蘭題額亭與

觀稼相遺係將庵廬改建今仍屬庵新

觀稼亭在今粟泉上康熙甲申年知府賈棠重修道光

十四年冬幕客山陰施惠及郡縣諸友捐修護道張

培春有記舊志

山東王元樞觀稼亭詩蘇子已千秋高踪誰可亞空
亭帶粟泉醱坐同僧舍花自媚於丘山原清向謝我
當學老農惘惘詢耕稼謝寶小集觀稼亭詩浮粟
留名勝芳遊我慣經當頭新月皎對眼舊山青多稼
分千畝雙泉共亭遙思春夢客把酒話滄溟丘璣
詩坡公曾覽勝我輩一臨觀泉潤承皆秀秋高地不
寒嚴城連雉堞曲徑亦龍蟠
日暮仍呼酒吟詩得古歡

清惠亭今名五里亭在郡北五里萬厯間邵守倪棟建

康熙四十七年知縣王贊買海口一王永昌地十二

畝零南至貞節坊北三十丈東西俱十丈除糧米一

瓊山縣志

卷十三

古蹟畧

三

斗置房十餘間招氏居住儼成村落亭久廢道光二

十五年亭傍寺僧募修舊志

懷沙亭在郡西十里小英村樂古書院內明宏治間提

舉司汪廷貞立義學走書幣往聘陳白沙辭不就廷

貞以其復東勒石而建亭覆之因名懷沙以誌思慕

後亭圯邑紳陳家修柯呈秀等捐修歲久又圯道光

七年紳士陳瀛柯拔萃等修復義學因併建此亭郡志

按白沙復東今勒亭中可據舊志作白沙社學記誤

符家麟懷沙亭詩雅愛江提舉能將道義尊淵源分
海國風月滿江門室遠人非遠言存卽道存作亭依
翠阜長覆小英村王承烈游懷沙亭詩訪古西郊
行金牛下水英請師尊理學答友重交情提舉南荒
化文恭北斗名懷沙思教澤碑讀夕陽傾講院尋
遺跡登臨豁遠眸江門風月接海島姓名留一紙巖

師訓千秋紀宦遊士林

殷則效景仰紹前修

林桂懷沙亭詠古詩懷沙亭裏仰先生一札如親道

貌清古樹猶陰籠石刻遺風長被育瓊英規循白鹿

文恭訓詩詠緇衣汪老情從古賢豪人共慕流徽還

覺儼前明表前賢敢後生孤亭今日挹風清葛端遠

聘官提舉榕蔭長垂地秀英海北音善良友意嶺南

文獻古人情兒時猶記趨庭韶風誦懷沙旬尚明

孤亭海外號懷沙沅芷澧蘭別一家認得江門風月

好拓將瓊島水雲還茅根共榻藏碑石榕蔭曾停問

字車檢討芳徽提舉意育英庭院蔚朱霞

陳瀛詩建起懷沙紹白沙秀英亭畔是吾家兩端葛

去入難卸千里書同室則遐勒字如留君子駕聞風

早下督郵車莫言興化無長瑞北望江門煥彩霞

鄭瓚詩茅筆如雉立畫沙白雲遙賜石翁家樂尋風

月機原靜悟到鳶魚道不遐臺築江門時弄月舍留

瓊島幾停車秀英亭上新丹蘄文棟常飛五色霞

林潤詩昔曾游學似公沙人倚青槐市作家海島衣

冠文既感江門風景非遐茅龍筆定傳雙管芸蠹

書宜讀五車獨上高亭懷往哲天邊遠盼燦朱霞

案林桂以下詩六首刻碑於懷沙亭中是當時相倡

瓊山縣志

卷十三

古蹟畧

古蹟畧

和之作林瀛林潤為林桂子一家詞賦俱有傳

王廷傳懷沙亭懷古詩嶺南理學邦有明集大成丘

海學元晦楊薛學陽明宗旨既純正德業胥專精卓

哉白沙子體道毅力宏從游康齋門兼通朱與程靜

中養端倪天理元一誠飛躍為魚樂吟弄風月清入

室多高弟及門羅萃英一代仰山斗為吾道干城提

舉宦瓊管素慕文恭名詩札頻往來投贈尋舊盟細

葛遠相貽報乏瑤與瓊故人書一紙感謝見交情上

言豐親喪讀禮淚縱橫下言焚筆硯代書頓友生藉

此通款曲臨穎心悻悻恪奉來教言佩服惟廷貞思

為後學法特建懷沙亭刻石垂懿訓學問期深閱性

道聞可得功和戒兼營惟求存養密不與時命爭此

是真儒修可為百世型我今來瞻仰時代已變更摩

挈讀遺刻幸獲入門庭竊歎今學者載籍徒乞靈文

博過情譽莫知名恥躬行徒為科舉外重而內輕詢

以粵學派幾等不識丁其欲何逐逐其志曠冥冥道

統歎將絕誰為傳聖經歧途已誤入紛擾役心形惟

望我同志信道守經存誠性自定去私物莫撓中

懷坦蕩蕩內念常惺惺江門遵遺教靜坐毋將迎不

負名亭意披書手不停淵源接往代仰慕素心領俗

學掃支離異學杜爭鳴縱未列門牆私淑欠邁征典

型今尚在干
載惟德馨

靖端臺并虛白緩帶退思平理燕喜等堂皆在舊府治

又有節愛超然風月三堂在舊通判署皆宋建八廡

舊志
增

案靖端臺舊志作靖端堂今遵一統志改正

六瑞堂在城南放生池上譙樓下宋時三開雙蓮故名

郡守王光祖建謝諤賦詩及題匾元嘉泰二年萬守

重建增亭蔣琬記

清乾隆三十五年移建縣學

於其地遂因放生池為泮池

舊志

明謝諤六瑞堂詩循良敢謝盡名流攬轡澄清宿霧
收纜把一麾來北闕便驚六瑞列南州日高雙影亭

亭立風動清香冉冉浮好作畫
圖當宁獻御屏風上永傳休

瓊山縣志

卷十三

古蹟畧

五

錦衣堂在東坡書院內邦人以蘇頲瀆續東坡詩有衣

錦他日千人看之句就坡院築錦衣堂騁豐軒刻咸

淳進士題名碑

舊志

王國憲游東坡書院訪咸淳進士題名碑已不可得
詩以紀之三月三日天氣清尋碑洞酌登蘇亭亭邊
詞石倚空壁眉山遺墨猶留形憶昔宦遊海外來黎
符問字車屢停天將文運奇甸關地脈不斷連滄溟
公彌破天荒符確魁大廷人才蔚萃起彪炳應文星
思公教澤深景仰爰建精廬師典型濟濟多士瓣香
祝盥誦摘葉書遺錦廣文先生則古昔築御書閣光
門庭千秋盛事登科記貞珉磨勒為題名樹立講堂
豈無意錦衣爭看增光榮海邦甲第從頭數當時卓
犖皆羣英所當愛惜寶遺刻不使淋炙風雨驚胡為
流傳百年後殘缺已隨時代更志乘搜羅嗟遺佚誰
為采輯垂定評我生已後七載懷古昔撫深情
咸淳八年考歲月上溯大觀時分明同賜進士人十
二奚止志高與趙荆特書姓名尚記憶追維往事心
忤忤廣搜金石補瓊臺不惜別盡苔莓生古寺雲深
履穿破空巖泉滴石隙鳴望而不見志彌切崇祠拜

謁思乞靈願自學臨重
磨刻長為曩哲垂英聲

三錫亭乾隆年間柏鄉縣知縣鄭鎮建在西城外達十

巷鄭家祠內鎮有序

鄭鎮序乾隆三十七年壬辰科會試恭膺簡命發直隸以知縣補用遂署深州事乙未補柏鄉縣知縣我皇上南巡泊地迎蹕蒙賞賜御用諸品而甲接駕蒙賜彩緞隨帶軍功加二級癸卯舉卓異調正定縣知縣辦理塘功復荷賜彩緞一卷適慈母林太孺人七旬慶辰製衣為壽鎮服官十有二載屢接天顏累邀寵眷敬以三錫名亭以榮君賜傳子孫俾知所奮勉庶稍補區區報効之意云爾

夢宸堂在兵備後堂副使涂棐建邱文莊記全上

期范堂在兵備前堂副使涂棐建張元禎記全上

世德堂在城西宋戶部侍郎沈翥之孫悌建黃通志

邱潛記瓊城西郭大姓沈氏其先越之山陰人在宋有諱翥者仕為戶部侍郎咸淳中謫官來瓊子孫因

瓊山縣志 卷十三

古蹟畧

五

居澤山之龍井村國朝永樂中始遷於條塘之黃瀛後又遷於瓊窩是為今居侍郎公之五世孫悌所葺也悌號龍窠居士為人易直而好義獵涉書史善議論喜歌詠家饒於貲未嘗凌人傲物雖不孜孜於學問然其所存所行率多合於理成化壬辰以舊居卑隘乃改卜於高爽之地既落成適予曰翥字子羽號秋圃則始來瓊者也十世曰顯字清淑山陰教諭曰頤字養正以蔭補將仕郎口興翁字復古又自瓊復越五世以下至頤皆墓雪嶼惟顯與興翁墓黃枋焉十一世諱祐字仲和十三世諱存性國初本府儒學訓導生子衮乃居士父也惟沈氏自宋以來至於居士蓋十有四世而居瓊則六世矣世以德相承其為基也甚厚而固至居士又龍拓而大之培而益之雖功名事業不逮昔人之顯赫然而賢產之豐規模之遠先業賴以維持後人得以憑籍繼此以起者安知其無若秋圃翁者之出於其間哉所以然者前人以一德而立其基後人以一德而嗣其業自茲以往至於千百世之久心非仁不存事非義不為處則為孝子出則為忠臣本仁義以相傳衍宗支於悠久何者而非自此德中來則予家於居士有世好而伯兄伯清於居士交莫逆視予昆仲殆所謂異姓兄弟者也予叨官禁林以文章為職業於凡天下士夫有所

述作必假筆於予顧於通家之好獨無一言可乎朝
退援筆書此寓歸付居士子淵源清浩朝夕既焉且
以示其後之人於無窮

可繼堂在城西北隅明大學士邱濬家以祖普惟有雙

孫可繼宗句名堂有記

郡志

邱濬記可繼堂者瓊臺邱氏之正寢也堂以可繼名
摘先祖思貽公所題堂楹對句語也洪熙改元公以
臨邑醫官滿考赴銓曹留京師又明年是為宣德丁
未先考學士公卒於家時先祖年五十九伯兒源甫
九歲濬七歲明年公歸自京師其祭學士公文有入
門見棺之語聞者傷之先祖平生止一子上無伯叔
旁無兄弟羣從推而遠之亦無宗族煢煢然僅二孫
存上繫宗祏之重如一絲之引千鈞也鄉人有暗先
祖老而喪子者先祖指吾兄弟告之曰吾先世以
積善相承然未有發者今不幸而中微然古人之往
因微而大著所以大發者其在二孺乎因手書二句
曰嗟無一子堪供老喜有雙孫可繼宗命通家子陳
曦書之揭於寢堂之楣鄉人多稱誦焉濬兄弟就外
傳時一日先祖坐堂上兄與濬偕侍公謂兄源曰爾

瓊山縣志

卷十三

古蹟畧

三

主宗祀承吾世業隱而為良醫以濟家鄉可也謂濬
日爾立門戶拓吾祖業達而為良相以濟天下可也
時吾兄弟俱幼稚愚騷不知先祖之言為何如然自
是亦知惕厲自持不敢失墜兄年十有九濬始補郡
庠生甲子領鄉闈首薦己巳兄為有司薦濬先補職
濬登甲戌進士選入翰林為庶吉士除編修累陞侍
講學士國子祭酒禮部侍郎歲癸卯蒙天子推恩贈
先祖為通議大夫禮部右侍郎自先祖捐館舍至是
四十有七年題二語後則五十年有七年也茲二語者
鄉人父老至今猶能誦之知昨日然而是一堂則以既
堅而更新之矣濬兄弟佩服斯言兢兢如一日未嘗
少置諸懷濬於官次嘗求能書者可繼堂三大字嘗
寓歸以遺吾兄俾刻而實諸堂之楣兄嘗命濬以記
濬頌之而未果歲丙申不幸先兄亦棄濬而從先祖
於九泉不及見天恩之降矣嗚呼痛哉濬鬢髮亦種
種矣久官於朝而乞骸之情尚未得如所願因述所
以名堂之意以貽子孫及從子陶融俾買石刻之而
立於堂隅使後之子孫知今所以名堂之意而思所
以繼於無窮而又為之言曰繼之為言大矣哉天
非人不繼父非子不繼父是為孝子所謂繼志述事是
天立極是也子能繼父是為孝子所謂繼志述事是

也然天有可繼之道然後聖人繼之父有可繼之業
然後孝子繼之有天而無人則極不立有父而無子
則世不延此古之君子所以創業垂統必為可繼之
道而承其後者必持循遵守之而不敢失墜使其可
繼者世世接續而延長之父作之於前子述之於後
必如是而後可不如是則不可所謂可者斷斷必為
之辭非僅可而未盡之謂也茲則吾先祖言外之意
謹用推廣之以示後之人為吾子孫者服膺吾言其
尚如吾兄弟服膺吾先祖之訓然為之先者必為所
可繼而不可繼者弗為為之後者必繼其所可繼而
凡可以繼者無不為如是庶乎為丘氏之孝子矣不
然則辱祖悖親其不孝也莫大焉

敬事堂在明昌塔下明萬曆間給事中許子偉建塔時

構堂祀邱文莊公海忠介公請支府地稅銀每年春

秋致祭四十四年郡邑庠生以許給諫建塔功呈請

道府附祀

本舊志

永口軒李德裕建公窮愁自序有消此永日所以解憂

瓊山縣志

卷十三

古蹟畧

三

之句後人遂匾其所居軒以寄思焉

舊志

霜筠軒在城南洪武末處士王惠建

黃通志

竹軒在城西一里明成化年間處士唐瑜所居

郡志

稽古軒在城西明初海南衛指揮僉事周遠所居

新補

丘濬記天地有初也生民有初也凡天下之萬事萬
物亦莫不有初也自吾有生之前以邇夫天地生民
事物有初之時皆古也今時所謂古乃昔時之今非
萬世始於立教繼以明倫敬身而終於稽古蓋歷傳
記接見聞紀述古人之嘉言善行以實前言也人生
八歲入小學則以是教之所以端其趨向廣其見聞
而示之以法則也海南衛節使周遠士毅自幼聞敏
異常方入小學時從師讀文公是書則慨興起知所
嚮往稍長嗣祖職以僉衛事公暇輒親近儒生購求
書籍度於軒窗之中時會師友以講閱焉扁其軒曰
稽古蓋有取文公立教之意也予鄉先達與厥祖
廣平公為風契世有通家之好求予文為記予惟稽
古之言始見於虞書之堯典舜親授受於堯僅再世

也虞廷史臣述堯之事遠以稽古為言由是觀之所
謂古也者非必闕世久遠也則雖父子易世之間咸
可謂之古矣雖然古豈易稽哉昔秦廷君解堯典粵
若稽古殆三萬言自堯至舜一代尚然况生千載之
下而欲考千百載以上之事世代遼邈典籍浩繁必
欲一以盡之非窮晝夜竭心思耳目之力一息不
容少懈者豈易能哉是以古人有近思切己之說焉
士殺出武將所統馭者武卒近而思之切於己者尤在
比者武將所統馭者武卒近而思之切於己者尤在
武焉予願士殺公退之餘涉獵討論之際遠歷乎傳
記近接乎願士殺公退之餘涉獵討論之際遠歷乎傳
行之無數焉古人嘉言有所謂委質為臣無有二心
也食人之祿則死人之事也所謂委質為臣無有二心
躬自厚而薄責於人也臨事而懼好謀而成也貴謀
而賤戰必為不可勝以待敵之可勝也毋恃其不來
恃吾有以待之毋恃其不攻恃吾有所不可攻也古
人善行有所謂悅禮樂而敦詩書者與士卒同甘苦
者以全取勝先計而後戰者先國家之急而後私讐
者雅歌投壺雖在軍旅而不忘俎豆者蕩佚簡易寬
小過而總大綱者擇古人言行而取之以為吾身今
日之用雖聖賢切問近思之學不外是矣豈但一武
將之事而已士毅勉乎哉毋徒慕其名而必求其實
瓊山縣志 卷十三 古蹟畧 天

瓊山縣志

卷十三

古蹟畧

天

南軒在縣東四十一里演順圖湖塘村陳明經大經讀

書處昌化令陶元淳過訪因題南軒額並贈聯采訪

陶元淳序余抵昌江三載於斯公餘惟琴書自娛欲
築一椽雅集朱崖羣英倣載酒堂故事奈有志未逮
每訪諸勝遺蹤芸窗竹徑可以攤書撫琴邈不可得
丙子秋有事七星嶺之遊隨過誠菴陳子莊觀其
臺榭幽邃不減白鹿精舍明其人即龜山之流亞也
徘徊久之良不忍去為書南軒以贈亦竊道南之意
誠菴大經號陶元淳康熙三十二年任昌化縣丙子
是三十
五年

桐墩書舍瓊州陳徽於郡城東二十里得此墩高可十
數尋樹桐數十本築室其麓藏書若干卷名曰桐墩

書舍明邱濬有記劉巖為序

瓊臺會稿

丘濬桐墩記墩高丈餘去郡城東半舍許潁川陳君所築以樹桐者也君之言曰吾性嗜琴每難得器之良者而琴之材非桐不利而桐又必石生者始佳生石矣未必面陽背陰材不良故器不完器不完故聲不揚此琴所以往往失古人之意也然瓊地素不宜桐間有之多生於平曠之野積陰之地吾用是擇勝於陽明之郊加石於積土之巔樹桐十數本庶幾後數十年得其孫枝以用於琴或可由此以得古人制樂之初意乎然非獨已用也凡吾之子弟吾之族姻吾之交游吾之鄉邑吾之後人苟有志於古音者皆於此取材焉可也間筆其言命予記之予以丁卯之秋與君別隨計之京是時墩未培桐未樹也歲辛未來歸僅五春秋再踵君堂則已蕪然以高森然可挹矣以往觀來不出十年其材皆中於琴耶數百年不完之音殆於此復振耶絃誦之聲將由是洋洋乎四海之間而旁治遠邇耶異日士大夫間有以琴而追蹤古人者必君也雖然為十年之計者樹以木為百年之計者樹以德木云乎哉君予同志友也名徽允諧其字世為瓊人連試於有司不利今貢於春官云

瓊山縣志

卷十三

古蹟畧

五

藏書石室在府城學宮旁明丘濬成化癸巳年建藏書

其中以供諸生講習在今雁峯書院西邊上旁舍是

舊址濬有記文詳金石畧

璞墩陳徽所築離桐墩不遠丘濬唐濂伯皆有詩新補

丘濬詩昔君築墩當近林種桐十載期製琴今君築墩向遠壑移石于山期得璞晨昏來往兩聲間功名富貴皆等閒有時哦詩石上坐有時拂軒桐陰彈鳳皇枝老秋蕭索卻傍雲根事耕鑿琅玕箇箇拂雲長玉屑霏霏逐風落一溪流碧彎半瓊泉聲琮琤鳴珮璫山舍輝兮木含潤人言此地如崑岡瓊枝琪樹羅階砌夜深疑有白虹氣藍田殫法曾試無北平種子應生未我家城西若城東梯雲石磴遙相通別來茫茫隔烟海置身遠在羣玉峯何時對酒盧胡笑把酒同澆磊碗胸唐濂伯詩城東一望許連簇水雲村歸然雙竒峯云是桐璞墩璞乃玉田籍桐以琴故栽山輝如玉生桐茂本滋培築墩種桐玉潤養心如種匪為縱游衍知德斯能喻比德如玉潤養心如種茂溫密似仁智衰茂由勤慵積養已有餘玉見桐復茂

當人大匠手將來謁君后南州文墨兒祁祁會如雲
高調凌雲漢眼界空崑崙蔽列蒸民蒲殺陳行葦席
醜聚寫素懷宛若天上客倚劍發浩歌為謝桐璞墩
伐桐作琴瑟玉烟輝乾坤我忝讀父書視君為執友
鳴珂金馬門
他日同攜手

下田村在城西北一里明邱濟故居一統志今日金花村

丘濟下田詩瀛海之甲別有天寧知我不是神仙請
言六合空虛外曾見三皇渾沌前元圃麟洲非遠境
延康龍漢未多年有人問我家居處朱橘金花滿下
田馮驥聲邱文莊公故里詩五指高不極溟渤淼
無邊山川鬱靈秀磅礴鍾偉人倚與文莊公卓犖超
凡倫驂驛曲江張文采尤彬彬撐撐五干卷揮斥隘
八埏簪筆黃扉間著述何紛紛煌煌不朽業終古日
詛陳續修編年書史筆凌响嶙嶙或惜公相業青史未
炳麟詎知世安危端繫宰輔身有明宏治間四夷庭
來賓非公握鼎軸寰海誰陶甄靈光忽焉毀邈隔五
百春別苒讀殘碑芳躅懷前賢荒廬莽蕭蕭慘淡霾
寒烟夕芳無人
振潛然霑羅巾

瓊山縣志

卷十三

古蹟畧

三

學上莊在城西二里明成化初邱濟為學士時建並記

瓊臺會稿

丘濟記學士莊在瓊城之西北二里而近翰林學士
丘潛仲深之別墅也或曰學士文進士第即通籍金
子左右載筆以視草者也矧一登進士第即通籍金
門出入禁掖幾二十年始以太夫人喪一歸故鄉服
除即行蓋以官為家以文字為業固不待莊以居用
耕以食胡以別墅為哉嗟乎此正區區深意之所在
也予先世閩人來居於瓊世數人遠自七世祖學正
公以來代有祿仕惟先公早世雖不仕而亦有勉贈
之命世業雖以士而率先公亦未嘗廢農蓋仕者其
耕者其常歟予家依城以居而先世多負郭之田去
所居一里而近有田一區四際皆深窪而其中獨隆
然以高其旁田皆歲再熟而此僅一獲焉始予少時
恒患海外古無高人勝士故其地無可以賞心會意
之所藏修之暇求一息游之處不可得也是時即有
意經營之力不能及且弗暇也會免太夫人喪家居
無事思欲成夙志而謀之吾兄伯清先生先生曰何
用遠求盍即丹陽舊為之即日具圖釐其田而三之
用其一為村而田其二如故乃僦工起其二之土而

畚之築實其一以為村基周圍若干丈為畝者若干
餘田遂皆深窪可再耕歲會其所獲登常數焉環村
之址鑿溝引水繚繞之村之背旁隙為長隴隴上畧
石為三小山山下有亭環種野花村前際為方塘周
若千丈塘心砌石為釣臺當其前積土為圓堆名小
鰲峰環村皆種芳竹雜蒔花果草木於其間小三山
下繚以周垣中構堂三間翼以兩室前為圓亭亭之
前為渠九曲之其下為月池各有扁堂曰瞻玉旁兩
室左曰曝日右曰涼風亭曰一曠蓋摘歐陽子內制
集序中語也其他如所謂小鰲峯者蓋擬嶺關中之
鰲石所謂小三山者則又以視道家之山蓬萊方丈
瀛洲者焉直堂之前有門扁曰小瀛洲其門外曰學
士莊又自村徑始涉田蹊有石門焉曰丹陽仙境本
其地舊名也堂既成吾兄伯清會客而落之試與客
立釣臺之上而四顧焉一城之景咸會於斯漠漠水
田四際山麓直南吾先人之廬於是乎在喬木岑蔚
之間華表簷牙露出林杪此朝廷旌吾先妣之守節
不貳者也而吾之登甲科官侍從有司所表之綽襖
亦於是乎見之與凡吾廬之所有若寶勅樓若可繼
堂若願豐軒皆隱約可指示也稍南而東是為郡城
雉堞連雲樓閣倚空衢道之交互屋瓦之櫛比闔闔
之雜遝或近或遠斷而續焉隱而見焉蓋四州十邑

瓊山縣志

卷十三

古蹟畧

三

之大都會處舉目而東不半里許鬱有叢祠祠之兩
旁翼以民居極其日之所至金碧輝煌照耀耀林谷是
為佛老二氏之所宮其東北之近地則州將都肄之
所月凡三校閱於斯金鼓之聲旗章之物耳可聞而
日可見斯則吾莊之近景也試又登小三山而四望
焉一郡之景亦莫不畢會於斯蓋吾郡所謂主山者
西石也中切而旁峻有似馬鞍然故又以形似名原
其山之所起自海北之徐聞之石門其脉穿海底而
南即蘇子所謂地脉何曾斷者橫亘郡城之西勢如
奔馬為衆山之脊朝夕日光霞彩敷金抹翠排闥而
入吾堂中有如屏幃之列几案間然引領而南越吾
居可六七十里有橫嶺隱隱然雲霄間者陶公山也
道家所謂七十二福地之次二十四者焉天宇空闊
烟霏之外有峯巒累然如貫珠列於東北雲海之間
者七星嶼也林木蔚然如疊翠叢於東南坡坨之間
蒼屹之幽雅東石之秀拔雷虎之蹲伏銅鼓松林之
渺茫隨陰晴而隱現或有或無或在有無之間其水
之大者有南渡江源發自五指山經臨澄定三邑之
境繞城之南而東之折北會諸溪以入於海距此半
舍許舟沿沂其中往來檣帆其末越林表而出可數
也吾郡以海為疆界自此北至海道僅十里所謂神

應海口是為港門帆檣之聚森如立竹汪洋浩渺之
間山微如一線舟杳杳如寸葦晨昏蜃氣結成樓
臺峰岫千態萬狀日光射之錯雜如錦繡光燿如珠
幾真天下奇觀昔人所謂奇絕冠其平生信非虛語
矣茲又吾莊之遠景也凡吾一郡人物邑居之繁山
水登臨之美皆可於此一寓目而盡得之伯兄與客
觀望既畢謂濬曰茲不可無記宜詳書之以示後之
人使天下四方知吾窮荒絕島之間有此奇偉秀絕
之景顧不可哉濬惟中國之在天地間如方舟之浮
於池沼中然吾郡以蕞爾之地居寰海之外則又如
浮一匝於方舟之側然可謂微而微矣今天子建都
於燕而吾郡在越之極南何啻萬里也眇未小子無
才無德猥以文章小技遭際盛時置身金馬玉堂之
間側迹旬陳紫微之下豈非幸之幸哉雖然出處有
其時而進退當以禮苟知進而不知退有以進之而
無可以退之之地以是而事君則昧大易隨時之義
犯夫子患失之戒大不可也此區區所以預為歸老
之計而即歐陽子之所云云者以為堂亭之名非敢
以誇諸人也聊以志吾志焉爾異時上乞骸之章天
子幸閱其愚而以柔遠之禮優之俾得以守其世業
遂其初志歸與伯兄優游容與娛老於是莊之上炊
粳而飯之釀秫而啜之又推之以及夫鄉人父老醉

瓊山縣志

卷十三

古蹟畧

三

飽之餘相與鼓腹而歌吟稽首以祝頌庶幾以報聖
恩之萬一焉不幸一旦溘先朝露也又以是遺子孫
尚亦有萬利哉又學士莊四壁繪圖即景賦詩四章
玉堂春晝寂無譁咫尺天宮是帝家金屋瓊樓天上
景琪林珠樹禁中花開揮麟筆書青史細染龍香草
白麻嶺海幾人曾到此他年回望渺天涯校書天
天祿憶前賢太乙然藜照簡編東壁圖書在人世北
門學士即神仙龜文鳥篆千年具金薤琳瑯萬軸懸
他日歸休雲海上卻從須女望奎躔鈴索無聲
夜漏沈絲綸閣下靜惜惜宮袍香拂麟錦賜燭光
分菡萏金五緯星明芒燁潤萬年枝老氣蕭森顧瞻
他月如天上豫作新堂寄素心西山落日半紅街
朝退聯鑣學士三萬點宮鴉丹禁表兩行官柳御橋
南講筵應制詩新進曲宴承恩酒尚酣乞得閑身定
何日人間回首隔仙凡陳縝瞻玉堂詩春田卜築
喜初成北望紅雲繞帝京玉署文章留舊價青山泉
石有新名開樽尚憶黃封醞敬枕如聞禁漏聲暇日
偶逢林叟說瓊臺深處接蓬瀛

筠莊在椰城北里許明曾伯崇世居其地大學士丘濬

有記新補

瓊城之北有大族曰曾氏曾氏之老曰伯崇翁敦德樂善性無所嗜好惟於竹酷愛焉環其居數畝不他植倚倚然左右前後皆竹也監察御史致仕唐公汝濟嘗過而題之曰筠莊唐公既已去世而翁今春秋亦六十有四矣未有為之記者以濬其鄉人子弟也屢以書來京師徵記且曰子以文學遭際盛時官館閣凡天下求文者皆輻輳於子况吾鄉人之老者又子之執友乎吾莊之記子毋庸辭濬得書閱畢泣而言曰公與先君子同生乙亥年而先君棄不肖孤今三十二年矣平生故人存者無幾其同年生而相厚者今惟公一人在濬兄弟視公如父雖委之以力不任之事尚不敢不盡其心况鉛槧之末素謬為眾所推者乎第恐寡昧言不足以達意無以副公命耳遂強成之夫天地間植物根而幹幹而枝而柯而條而葉大率相似惟竹獨與他物不類亦猶君子在眾人間為獨異耳古人稱之為君子良以是夫環公之居森森玉立堅勁而有節虛直而無心或潤澤而有文或疏通而不俗何君子之多也孔子曰魯無君子者斯焉取斯信哉吾知公之起居食息吟嘯歌詠左挹其袂右拍其肩前瞻而後顧無非君子也雖以齊之瓊下漢之汝穎晉之會稽不是過焉為公之子若孫者生君子之林薰君子之德如麻生於蓬然殆將皆

瓊山縣志

卷十三

古蹟畧

三

為君子之歸乎濬家距公莊所不三四里異時蒙聖恩得賜告歸觀故鄉行當撰杖屨從公後以觀所謂君子者尚能為公賦之姑先此以記

條岐莊在瓊城東兩舍許明舉人蒙亨隱居於此莊有

山曰岐山有八景大學士丘濬有序並詩

新補

丘濬序云瓊城之東兩舍許有勝地曰條岐其山謂之岐山山之形若樹屏然蒼翠之色四時不渝山之下有泉水之流紆迤若帶繚繞乎田塍之間其田彌望可數十里越田而南有墟市焉鄉人之貿易者恒晨集於是蓋亦一方之勝景也友人蒙亨時中世居其間居之前有池池之中有島島之上雜植花木而環其居者又有榕樹椰之屬遠而望之鬱然深秀之中棟宇隱然在焉則又據山水之勝而獨得之者也君以易經發身賢科游宦四方因即其勝釐為八景攜以自隨遇能詩者輒請賦之以予為同學而特以序見屬夫蒙亨明易者也而君之姓即山下出泉之蒙而君之居上山也下水也又與蒙之象合觀於山也有良之象觀於水也有升之象觀於田而耒耜也有坎之象觀於火之止也有兌之象於田而耒耜也有

瓊山縣志

卷十三

古蹟畧

言

益之象於市而交易也。有噬嗑之象，一寓目之頃而
 易之理備焉。矧君之姓蒙也，名亨也。字時中也。於蒙
 卦之義盡矣。所以果行育德者，有自矣。則其於俯仰
 之間，顧瞻之際，而八景者，粲然於目。油然於心，所謂
 思不出其位，積小以高大，以常德，行以資講，習以足
 天下之食，以致天下之民，所以修身致用，而非易之
 是矣。豈獨玩適而已哉。夫天地間無往而不易，其造
 象無往而不有。有是象，則有是理。君專門以易其造
 於易之理也。必深矣。予因推易之義，以序之。君之子
 克昌，從學於予。亦傳君之易學者也。質粹而幼，悟蒙
 九二之克家，其在茲乎。岐山之山，水不徒然矣。是為
 京。八景詩一屏山，翠門外青山，水不徒然矣。是為
 翠落，儻櫺曉天霞，映疑張錦，春雨花明，似寫生烟，染
 嵐光，晴欲滴，雲連樹色，暗猶橫，清時未遂，歸山志，漫對
 新圖，想舊盟。二水帶灣，環寒流，如帶繞茅堂，堪與
 詩人繫，悶腸。斜東山腰，分黛碧，橫紆田腹，界雲黃。石
 渠雨過，灘聲滑，涼檻風來，水氣涼。羨殺江頭，垂釣客
 綠簑，眼月聽鳴榔。三榕樹屯陰，繞屋扶疏，碧四圍
 炎天吟嘯，最相宜。倚雲翠，蓋童童，立到地，青絲裊裊
 垂風動，每聞蒼雪落。日斜時，見綠陰，移開來，廣地支
 願臥絕勝，公庭聽五辭。四椰林挺秀，千樹椰，食
 素封穹林，遙望碧重重。騰空直上，龍腰細，映日輕搖

鳳尾鬆山，雨來時，青靄合，火雲張，處翠陰，濃醉來，笑
 吸瓊漿，味不數，仙家五粒松。五月池，夜色鑿，破簷
 苔玉半璫，徘徊雲影，映天光，素娥晚浴，九秋露，丹桂
 晴涵午夜，香淡淡，微風清，醉骨溶溶，涼氣沁，詩腸箇
 中妙趣，人知少，况有源頭，活水長。六花鳥春，香碧
 玉波心，一鳥微，春來花，卉競芳菲，輕風暖，散芝蘭，氣
 麗日晴，烘錦繡，圍吟客，幾回凭檻，賞流鶯，百轉繞叢
 飛可堪，美景成，虛負人，戀明時，未肯歸。七山市，曉
 晴暉，暉晴日照，山隈野，市柴門，趁曉開，本屐穿花，游
 子至，綠荷包飯，遠人來，賣藥壺，中咫尺，是蓬萊。八洋
 晚始回，會仙翁，來賣藥，壺中咫尺，是蓬萊。八洋
 田朝雨，平田漠漠，雨絲絲，曉色溟濛，望眼迷，雲脚亂
 垂沙鷺，溼溪流，新漲水，禽啼喜，看翠浪，翻千疊，真信
 黃金在，一犁白首，歸田定，何日追隨，沮溺，隴東西

長樂居在縣南官隆一里，璞鄉村明王才闢別野於此。

大學士丘濬劉宣有記，今其地改建王氏宗祠。
 丘濬記出瓊城而南，微折而西，幾三舍，許有地名曰
 北衝，蓋古所謂羅源璞鄉也。有氏王者，自闢而來，居
 於茲，不知凡幾。世至王君才者，瀆謹而明，爽幼以民
 俊，鼓篋鄉校，既而以親老宗，單主祀者，乏人言於有

瓊山縣志

卷十三

古蹟畧

三五

司歸隱焉恒自嘆曰士大夫生天地間當為天地間用然後為不負天地之所生進則表率乎天下退則矩範乎一鄉不但已也吾少有志世用然而卒不致其用用於天下吾無其位與地與其時固不得以行吾志若夫由吾一家而達於吾鄉井之間吾身之所在足之所履耳目之所及量其力可以為揣其分所當為即其所居之地隨其所為之事而樂其日用之天志雖不行於天下亦可以行於一家一鄉也雞鳴而起盥漱之餘則披衣持杖循行階除間迤邐而出於庭院園圃之中左顧右盼某地可畦某地可畛某地可隴或宜於蔬或宜於果或宜於藥或宜於竹於地可隴或宜於蔬或宜於果或宜於藥或宜於竹於木其種可蒔或可以分或可以移或可以修飾剪剔燥而灌之磨而糞之穢而除之柔溺而扶持之歆側而植立之然後呼童僕而命之隨其宜而施其功朝如是暮如是今歲如是明年如是積之歲年日計不足月計有餘閱歲人乃大有所成就遠而望之蔚然而成林近而即之井然有條理粲然相錯雜竹樹列而濃陰野花發而幽香真人間勝景也乃引山泉做蘭亭遺製為曲水以為流觴樂客之所又於曲水之旁鑿為深池池之中構亭以避暑池上闢為園雜蒔百花開軒其間題曰適意眼日與客徜徉園中以成趣倚軒以暢幽懷登亭以避煩囂興闌而倦則據石而坐草泛羽觴於曲水中一觴一咏以樂其自然之天自幼而壯壯而老無一日而不樂其間其樂可謂長也已矣非但自樂其樂而又以是樂傳之子若孫若曾若玄百千萬年無有窮矣乃總名之曰長樂居豈不名稱其實哉君之冢子冕為有司勸駕來京師乃持君所自述者求予文為長樂居記予與君同生海隅同為庠生予出仕而君歸隱今俱白首矣凡予之所成就者他人視之固若有大可樂者然以已視之恒見其憂而未見其所以樂焉王君之志雖不克大行於天下而其所以安於一家克於一鄉者則固優游而有餘寬綽而不拘從容而自如舉目之間移步之頃何者而非其樂哉樂不徒樂而且至於長焉樂乎哉王君足不出乎州里夢不至乎市朝生於斯長於斯老於斯聚親屬於斯死葬祭於斯禮不云乎樂樂其所自生而諺亦云人從生處樂王君歟其所以不用天下之志而用之於一家一鄉聚景以成趣即趣以生樂此其樂所以生於生而已而至於長哉予不久歸老於鄉行將訪君之居而即其所以樂者而共樂之君其肯分予以半席否

繡隱莊在郡城西南五里許明御史李珊所居

新補

李珊詩茅簷烟火數家村且樂天年付了孫卧看白雲生遠岫任教芳草長開門清陰石上寒侵枕流水臺前月滿樽忽喜故人書信到高風謂我有誰倫

東臯在蘇尋都東距郡城六十里明處士黃鈺隱此鉅

與邢宥邱濬王佐諸人遊處有巢許之風

郡志

李東陽詩日日沙頭看鳥飛柴門剛枕釣漁磯鶴鳴驚見海穿月客嘯不知風滿衣鄰舍牆邊呼酒近故人天上寄書稀從今小隱須彌大新向長安市上歸陳鱗詩依稀城郭小江洲深自深來幽自幽幾曲滄浪花外雨一天明月徑邊秋寒雲鎖斷紅塵夢野屋深藏碧樹浮為問首陽孤竹下謂誰能得此風流

雲林明處士羅仲舉隱居處教諭趙謙錢福有贈詩

新補

錢福詩海南有佳士枕海以為廬海風吹行雲雲散林木疏雲散有時合木落不復初所以愛日心羲馭同馳驅豈不知富貴富貴浮雲如寧似林泉間春雨翦園蔬更將南溟水盡畜廬江魚五鼎直贅疵晨昏足庖厨愧殺王陵者勛業何為與趙謙詩雲飄渺兮林蒼茫江湖闊兮山水長風月有時兮花木有香

瓊山縣志

卷十三

古蹟畧

三

魚鳥可狎兮蔬筍可湘隨所寓兮樂康莊舟車所至兮於焉徜徉

知稼別業在郡城小南門內明經王廷傅讀書於此中

有知稼軒軒前有八景當時詩人俱有吟詠廷傅自

記新補

王廷傅記余家世業儒經史之外無別物也且棲止郡中人家比櫛亦無隙地可供祭未攝桑之用也歲下亥先徵君卜居於子城之西偏室中度之以几雖容膝有餘而步廡未備誦讀無所其東南隅有舍數椽舍外有田數頃方塘半畝余並售而得之計其地周圍數十丈長垣外繞曲徑旁通清幽深邃頗遠置塵余為之新厥門牆闕厥窗牖蒔之以山花數種翠竹數十竿改其屋為書室日夕優游其間或課讀或省耕聽書琅琅與田歌相互答自以為昔人名勝如綠野藍田不與易也爰取尚書無逸之詞額之曰知稼軒不惟藉以自規亦將以行吟而過余者毋徒視為尋常之別業焉耳客有行吟而過余者見其額而笑曰君將有志於明農乎則宅爾宅畋爾田詭跡混俗長為農夫以沒世以是名軒固云當矣抑將有

瓊山縣志

卷十三

古蹟畧

三

志於進取乎則韶之目耕黃安舌耕筆可以為鋤耒
 紙可以為良田元默可以為稼穡禮義可以為豐年
 一方破碗食之不盡古人目不窺園肘不離案而心
 通大道者職是故也況乎學稼學圃大聖所譏勞力
 勞心孟子所辨君子務知大者遠者小人務知小者
 近者誠不可以無別又何必叱犢而來荷鋤而出躬
 親稼穡之事而後可為後昆訓乎余曰不然自古聖
 帝賢臣軫念民依未有忘其衣食之所從出者何況
 於庶士何況於編氓彼周公戒成王之詞且屬有國
 者之事余無庸論及已自漢晉以來倪寬良御史也
 亦帶經而鋤皇甫謐名士也亦帶經而耕至崔寔無
 赫赫之聲而身任郎官未嘗不懷書而耘耨之數子
 者豈其自好勞苦而故為此沾手塗足之事哉亦以
 自食其力始可免於不稼不穡之譏也且夫人逸則
 淫淫則忘善忘善則惡心生蕩佚驕奢何一不由此
 苟生於豢養而不知艱難縱閉戶潛修異日幸而撥
 科名登仕路又安望其悉心民瘼為國家宣力之人
 而不耽於逸樂也子獨不聞夫前人所以稼名軒者
 乎彼以為人生在勤當力田為先北方養生不求於
 人是以為無甚富甚貧之家而南方不然斯貧富不一
 夫辛公北人也而所見若是然則生於南方者又安
 可不知所警乎余深味乎其言有合於無逸之旨故

取以名軒而此軒因有以有此名也何譏焉客聞之
 唯唯而退是軒也質劑於卜居之後三年而改作於
 此年之夏池則鑿而深之隄則封而崇之有八景焉
 曰秋疇早稼曰冬園寒蔬曰水田鷺影曰夜雨蛙聲
 曰方塘月印曰古堞霞標曰綠陰環亭曰嵐光排闥
 嘗集文人學士於其中作為詩歌以紀一時之樂然
 則造此軒者謂余為士也可謂余為農也可願子若
 孫有基弗棄知乃祖乃父得軒之由修軒之故而且
 識名軒之心也於是乎書
 林瀛八景詩一秋疇早稼十畝閑桑柘邊課耕七
 月趁秋天秧分繡陌沾泥滑種向芳畦映水妍不待
 及春忙靖節誰知負郭有顏淵經鋤豈是尋常事預
 卜豐年在硯田二冬園寒蔬新蔬簇簇秀三冬天
 氣多寒到處衝牛畝霜飛青未老一畦雨潤綠添濃
 呼丁自得園林樂浮甲猶留冰雪容莫笑庾郎三九
 種步游遺興豁心胸三嵐光排闥巖色青於碧玉
 簾當門聳翠湧晴嵐烟濛濛室影生虛白雲淨天光現
 蔚藍螺黛染鮮峯六六蠅涎篆古徑三三卧游勝具
 何須畫收盡名山眼底探四綠陰環亭種竹四圍
 蘇色斑中開亭子路彎環地居嶺谷淇園裏人在七
 賢六逸間坐對綠卿邀月共庭隨青士拂雲還家僅
 日把平安報掃葉鈔書畫掩關五水田鷺影鷺滿

隴頭水滿田丰標公子自翻翻影辭遠樹絲猶帶羣
集寒沙足獨拳風月鏡它新霽後溪山伴我早秋天
騷人却作烟波長終日排班立戶前一六夜雨蛙聲
門庭無異雅圭家鼓吹長鳴兩部蛙一夜雨聲催鴨
鳴六更漏點亂蟻蝓似挑燈起坐讀南華草池塘梵
月印圓靈皓月却因方上下乾坤具此塘影印一方塘
涵太極輝浮四角照中央盈玉液共賞桂花香八
波酒滿鴈少昊在西原執矩清秋共賞桂花香八
古堞霞標文壇人樹漢家標早奪龍舟錦一條古堞
烟輕揚赤幟夕陽起挂紅綃午疑雲旆隨風颭忽
見電旌向日招同上城舒晚眺軒軒欲舉步層霄
王沂瞻八景詩一秋疇早稼南郭田家卜宅幽年年
播種趁新秋並耕學負陳相未數畝荒開靖節水
影動搖驚落雁兩聲遞送聽鳴鴉開來曳杖隴頭立
禾黍連雲一望收二冬圍寒蔬野樹風寒落葉餘
一畦簇簇種新蔬芽經雨雪濃花吐根飽風霜冷豔
舒荒圃慣邀高土賞小園舊是庾郎居世人誰有知
真味笑指鹽齏總不如三嵐光排闥二山排闥繞
孤城雨後光生四面橫天半嵐浮連樹碧空中雲淨
隔窗明閒情靜對峯千點悅性時聞鳥數聲與客登
臨遙縱目依然風景畫圖呈四綠蔭環亭檻外扶

山縣志

卷十三

古蹟畧

三

疏泉綠生小亭環繞盡陰晴侵階柳色丁簾暗拂榻
松風午夢清屋角樹排棋留畫譜欄邊花發大詩評石
淋對客閒談久聊把圍棋試一枰五水田鷺影烟
波漠漠水浮天飛鷺翩斷復連水面羣游霜羽潔
波心浴罷雪翎鮮有時東澗兼西澗忽見南阡又北
野日暮農人驅犢返一行沖破夕陽煙六夜雨蛙
聲夜關籬外聽瀟瀟蛙鼓傳更兩部囂院落燈昏人
影靜池塘草長兩聲遙吟懷偶觸如相答驚夢無端
破寂寥竟夕披衣眠不得倒斟美酒醉深宵七方
塘月印方塘半畝鏡開函水面天心景並參觀上還
須對下見一方原是圓涵銀蟾珠蚌光相澈玉宇
金波好共探識得空明真妙悟天然至理靜中詣五
八古堞霞標迴環古堞擁霞旌遠挂長空映晚晴五
色參差紅繞郭十光綺麗赤成城軒軒異彩空中現
皎皎餘氛物外明饒有溪山
連百雉凭闌遠眺寫詩情

天朝古塔在海口都人廢上全

雷順塔在塔市墟西塔佳村南數百武世傳元僧無我
所建八塔之一今廢

放生池在城南譙樓下宋時韓璧鑿上有知樂亭六瑞

堂今鐘樓南街尙存遺址全上

三山菴在郡東五十里符離都惠通泉側卽宋蘇軾飲

泉處今廢舊志

新安王贊酌惠通泉讀東坡居士記詩三山距城五
十里有菴流傳名不毀此菴未卜訪何年中有井泉
甘而旨東坡謫宦偶經過老僧持餉聞香美泉遇高
人始著名各為惠通勒石紀惠水由來天下聞惠山
遠隔如天際豈有脈脈一線通何為溜瀝分品第我
來弔古獨追尋惟德禪宗今已逝一酌甘泉意灑然
心脾浸浸有真味讀罷遺文感慨存
世如鄭廷鵠惠通泉詩誰料三山下浮珠有惠泉洗
孟如作梵卓錫自忘禪地是神仙境名因學士傳
言昊天觀罷驛是何年王沂瞻詩偶到三山慧梵
堂飲泉翻覺興添長遠流潛伏來瓊島一派遙通自
惠陽莫效文饒傳置驛重煩惟德餉盈觴坡公歸去
空留記欲訪
殘碑迹已荒

瓊山縣志

卷十三

古蹟畧

五

海宅塘村在城西北隅一里明海瑞故居今名朱橘里

新贈

馮驥聲海忠介公故里詩海公何嶽嶽崛起百粵中
綱多擬一角狐鼠潛避蹤問公曷能爾正氣河岳鍾
剛大浩然塞蹇蹇矢匪躬承陵耄倦期方士眩難聰
西苑建齋醮宰相青詞工公乃市相諫逆鱗被丹衷
犯顏仍不死碩果留孤忠駁歷神宗朝繡衣勳何隆
乘驄滄吳下亮節兼清風公行匪炫鸞剛腸本鐵鎔
公行匪矯揉精誠鬱心胸金百鍊愈勁水萬折必東
所學根聖賢詎徒氣節崇公今已長往故里荆榛叢
千載自轟烈觥觥垂鼎鐘伊我生公後慷慨懷音容
騎箕去不返醜酒問蒼穹

文明樓卽譙樓又名鼓樓在舊衛前明洪武間衛使王

友劄樓三級成化辛丑指揮李泰增砌臺基副使涂

棊鑄銅壺滴漏萬曆戊子夏因製銃失火樓燬己丑

年副使孫秉陽郡守周希賢移建於東門內為鎮東

樓郡守涂文奎移還故址乙巳地震復圯乙卯備書
王宏誨知府謝繼科推官傅作霖重建又廢康熙三
十三年郡守張萬言捐俸建復雍正十一年太守宗
思聖重修改名文明中祀文昌魁星像撥府義學原
置北沖都攀丹北雅等處田並舖六間為香燈乾隆
三十四年知縣秦其燭集紳士重修五十三年邑紳
吳典等倡捐與府縣一體併修道光三年撥

田舖租歸書院支給

舊志增

王懋曾登文明樓詩百尺危樓瞰大荒萬家烟火正
微茫浮圖七級凌霄漢盪海千帆破夕陽王祭銜杯
頻遠望庾公愛月賞清光南離佳氣當窻牖縱步憑
虛引興長雄圖攬盛舊知名樓閣欣看又落成地
接南交聯島服氣凌北斗擁孤城千年瘴雨蠻烟關
萬里鯨波御海平幸觀瓊臺無事日山阿鋤笠帶雲

瓊山縣志

卷十三

古蹟畧

早

耕野喬青重九儲諸友登文明樓小酌詩挈伴登
樓把酒近菊花香裏賦新詩隨頭餘稍農歸晚天未
無雲日落遲望古也懷吹帽客看山尤愛舉杯時石
欄杆外徘徊久初月斜懸老木枝

開元等即古乾亨寺在南橋梁建今廢舊志

普明寺在府城南元文宗潛邸於此創觀音閣及還即
位賜鈔萬錠市地建為大興龍普明禪寺詔湖廣行
省臣瑛璐不花及宣慰宣撫二司領其役仍命廉訪
司涖之學士虞集有記乾隆十一年知縣楊宗秉倡

捐募修今廢舊志增

天寧寺在城北一里西廂一宋建為天南寺元更今名
明洪武癸酉僧錄司拆無名額菴堂與舊天寧寺歸
併移于今址建造殿宇及二廊普菴六祖講堂丁丑

指揮桑昭捐建二殿三閭額匾俱教諭趙謙書郡邑
迎詔官師習儀皆在此寺明永樂間知府王修匾其
門曰海南第一禪林設僧綱司正統六年文昌鄉老
韓真祐捐資重建正殿八年知府程瑩以湫隘又闢
地遷於後為觀音閣於舊址重建大雄寶殿暨諸樓
閣法藏齋堂僧舍咸備御史唐貞碑記成化間都綱
普明重建二堂及外門知縣陳暉碑記正德丁丑秋
善慧捐資重建觀音閣及修正殿普菴講堂四大天
王等宮萬曆戊午唐可封於正殿後建藏龍亭名曰
萬壽乙巳地震傾圮知府翁汝遇重建萬壽亭僧普
宥護印募修正殿尚書王宏誨有記 國朝康熙十

八年總兵佟國卿副使范養民重修乾隆十年知縣
楊宗秉倡捐修葺後殿重建大殿金剛殿併重塑金
像復為風雨傾圮三十八年總兵李耀先首倡闔屬
吏民捐修寺內原有田三十六丁

舊志
下全

王宏誨記天寧寺故址在城北西廂宋建為天南寺
元易今名 國朝以地湫隘仰囂塵鼎建殿宇於今
地寺始巋然稱海外叢林乃歲數苦颺風建豎未久
蕩覆隨之自洪武癸酉歲創構迄丁丑重建歷正統
成化正德凡三修之迨嘉靖己未歲復大修不三十
年傾毀殆盡萬曆戊戌歲父老子弟請於前憲副程
公署鄒丞萬公過令趙君慨然捐俸興修給簿募化
凡縉紳上民暨諸嗜義者各捐貲佐役鳩工庀材屬
商民劉時中錢中節周景和等董其事不再歲而寺
鼎建始大雄殿繼觀音殿六祖普庵堂大門二門以
次告竣凡諸佛像煥然一新方謀勒石逮乙巳歲地
大震正殿楹柱幾就毀折諸殿堂亦傾頽住持僧普
宥募化金更修寺始翼然改觀觀音殿前故有 萬
壽亭宥請於今郡侯翁公更為鼎建宥懇歲久蹟湮

恐無以示來禪乞余紀其事於貞珉余惟佛教西來
徧傳海內釋宮梵宇所在充斥然賢出諸宰官素封
大瑞齋賈齊民一何寥寥吾郡越在海裔刹宇落落
不啻晨星邇佛敎浸以流播人念菩提家修善果聞
左故渺蓋藏重以颯風頗遭一寺修而壞壞而復修
屢施而不厭亦未法之一助也然諸監司守相倡道
提策之力僧宥及諸執事者奔走之勞又曷可泯哉
慨自達磨有人天小果一語而世恒借以蓋其悞不
知宗待教行而道隨緣顯彼謂有漏非無為之旨者
此一隅之淺智而非皆大之歡喜也余故徇僧宥之
請樂為之記諸捐貲職名姓氏列之碑陰
宋李綱天寧寺閣題花三首深院無人簾幙垂玉英
翠羽繁芳枝世間顏色難相似暗雪初殘未壓時
冰玉風姿照坐寒炎荒相遇且相寬紵衣編帶平生
志正念幽人尚素冠阻涉鯨波寇盜深中原回首
涕沾襟清愁萬斛無消處賴有幽花慰客心 王國
棟游天寧寺詩第一古禪林閒來聽眼音梵鐘霜夜
吼銅鼓劫塵侵幢影垂經石佛身餘鑪金兩朝碑刻
在遺迹 屢追尋

大士菴在總鎮府左明崇禎庚辰推官羅其倫建今改

瓊山縣志

卷十三

古蹟畧

聖

準提閣閣前舖三間被兵占住僧體用捐貲贖回 廢今

蓮花菴在東門內明崇禎閣指揮李開永妻王氏捐資

創建王氏即王忠銘友

舒喬青游蓮花寺詩綠雲千朵護禪關瓶鉢生涯老
圃間方沼碧搖門外水重城青作宅邊山客綠風雅
花爭乞僧為慈悲草不剛暮鼓晨鐘頻側耳吾廬只
隔小江灣 兜鉢經壇迴出塵敲門聊作卧雲身三
生清福拈花佛半日閑情載酒人幽徑草肥留野獐
小池萍密護游鱗虛廊借得高僧枕風送蓮花入夢頻

真如菴在郡治西門外林公廟之左

符家麟游真如寺詩一徑圍疏竹中藏古寺深庭空
花自落樓小月初臨掃地安禪席登堂辨梵音陶公
如許醉入社結東林 欲會真如妙全憑覺路通三
生何待證四大本來空梅影高人共松心古佛同藉
他清淨地洗 我俗塵紅

香巖菴在城外西南隅面蒼屹山仙人洞初僧別山募

建為颶風傾圮康熙乙卯年僧本資自曹溪來卜居於此分巡道范養民瓊山縣知縣茹鉉為拓基創建癸酉年總鎮唐光堯重修前殿乙酉年樂會縣知縣繆宗儀為募修兩廡今改為火藥局

下窰明昌塔在郡城北三里許下窰村前明萬曆間知

府涂文奎給事許子偉及鄉士夫同建傍有敬事堂

文昌閣關帝廟置田一十五丁後僧一瀝募改建大

悲閣乾隆三年僧法空重修六年郡守張秉義遷關

帝廟於攀丹村之聯壁坊道光十六年護道張培春

首倡官紳同修大悲閣舊志

明王宏誨明昌塔詩春深乘興此登臺奇甸風烟四望迴五指雲山皆北向七星芒曜自東來天邊渺渺

瓊山縣志

卷十三

古蹟畧

三

龍樓迴海上冥冥蜃閣開千載明昌逢泰運佇看南極會中台春日同許給諫諸文學登明昌塔絕頂詩縹緲丹梯此共登側身雲壑擬飛騰天連滄海懸孤島人立青霄最上層望氣幾年逢尹喜傳衣何處是虛能摩空捧日屬吾黨雁塔龍門次第升下沂隨登明昌塔絕頂詩微雲澹漢滿天秋聯袂同登塔頂遊落層霄欣直步茫茫碧海豁吟眸空中日月重輪捧足底滄溟萬里流遙指京華看北斗丹梯高駕輿悠悠陳毓姜登明昌塔絕頂詩寶塔高登最上頭珠崖形勝望中收四州環繞三山近奇甸飛空一粟浮海浸無邊天地闊江流不盡古今秋歸來邱壑羞憑眺好向蓬萊絕頂遊舒喬青登即昌塔詩南溟一塔鬱嵯峨笑倚丹霄發浩歌木落江頭秋浪惡雲開天末亂山多噓風老蜃騰身起背日哀鴻帶影過瓊島由來稱福地不堪西望尚干戈馮先標登明昌塔絕頂望海放歌人生稱意百不憂杖頭有錢隨處可勾留不必東買太華南買衡山游且登南溟古塔絕頂之上頭東望銅鼓北望硃洲一聲長嘯渺然寡儔目中何所有片帆點點如星流空中何所去撼斗牛浪花排空百丈立銀河倒瀉不肯收憶昔長江破巨浪天風送我艤艫舟身如滄海渺一粟性

命欲向蛟龍求我來今日躡絕處快意擊碎珊瑚
此時青眼高歌無所有俯視南荒片土有如燈塔
培塿詩一囊酒一甌但願百年三萬六千日日登
臨長消萬古愁須與海月忽見蓬鬚眉蕭颯風飄
飄然欲挾塔飛去覺悟人世真蟬蛻茫茫人世
真蟬蛻不乘風一歸去徑上碧城十二之飛樓
楊纘烈遊大悲閣明昌塔記中秋前三日武溪閣
齋元圃瓊臺邱衡之璣二明經邀予遊大悲閣
書院二里許閣後一塔巍然名明昌則浮粟泉亭
日夕瞻眺者也出書院折而東行不數武衡之指
曰蘇公雙泉故跡一在書院一在蘇公雙泉之
間幼時及見豐碑穹隆大書蘇公雙泉之一字樣
浮粟泉尺地耳并滌不食日就淤塞今則碑石亦
斷不復見矣易曰時舍海可側大將抵閣過一畧
愧齋曰予得句矣紆迴竹徑橋通寺予應聲曰徒倚
泉亭塔對門衡之曰邑志塔為萬應閣郡泊涂公文
奎邑人給諫許公春日同許給諫諸文登明昌
子聞志載海忠介公春日同許給諫諸文登明昌
塔絕頂詩乎遂朗誦曰縹緲丹梯此其登側身雲壑
擬飛騰天連滄海懸孤島人立青霄最上層望氣
年逢升喜傳衣何處是虛能摩空捧日屬吾黨雁塔
龍門次第升予曰此詩不類必為好事者偽託未幾

瓊山縣志

卷十三

古蹟

閣

僧法空道迎進閣閣前後兩座皆三楹氣象光潔花
水清幽頗有靜致茶畢予與衡之轉出閣後攝齊登
塔之第一級四面瞻眺心曠神怡正南塔門橫嵌一石鐫
妻其廓不可當乃亟下仰視正南塔門橫嵌一石鐫
明昌塔三刻瓊州府知府萬歷三十八年歲在庚戌季冬
吉旦右刻瓊州府知府翁汝遇同知某通判某推官某
某鼎建共三十九字正北一石年歲在丁酉孟冬月吉
一石左記萬歷二十九字正北一石年歲在丁酉孟冬月
刻瓊州府知府翁汝遇同知某通判某推官某鼎建
皆共三十九字正東一石僅存萬歷四丙申肇基七
字其四字之上皆模糊不可識諦視右邊依稀文
奎二字予謂衡之曰修邑乘者曷不據此且計建塔
費不下萬金僅此一片石載年月姓不據此且計建塔
記誇張豪舉此前輩古道可法處也既而風定後登
塔故七級八級每級皆嵌橫石八方各有題識及姓
名大抵李翁同時人登至絕頂第七級有橫柱一
多剝蝕第一行為吏部左給事申臣許子偉拜手
二字第二行為太祖高皇帝稱南溟奇甸十字餘語
似贊似銘總不及建塔原委其未一行為龍飛萬歷
二十七年己亥辛未月甲辰日鐫十七字至是全塔
有字之石皆竭目力細辨之矣雖當登高無暇望遠
每降一級命從人持筆研或備或殘鈔所其辨嗣是

寺僧具齋畢徐步踏夕陽歸舍去故徑登平隴周望
海山斜暉暮烟竹樹秋色蒼然就淺草坵井中隨意
關蹊而行仍澆二先生小憩書院瀹茶取架上郡邑
志參考之按邑乘載建塔為涂許二公考府志秩官
一冊涂卒於瓊任繼之者為李公多見歷吳公尚友
倪公陳即為翁汝遇皆不載歷任年月涂無傳李翁
二傳不載建塔之事當是載筆者簡畧抑善政有在
塔固無關於輕重歟獨怪許給諫傳生平義舉一一
詳記何以竟無一語道及協力建塔一事再考海公
於明世宗朝以戶部主事建言忤旨詔獄穆宗立詔
復其官改大理擢僉都御史巡撫應天尋棄官歸里
闕十五年起用南僉都御史是為萬歷十三年乙酉
游歷史部右侍郎右都御史掌南院越二載丁亥卒
於官而許公於前一歲丙戌始成進士詩題何以遽
稱同許給諫耶衡之曰海公墓碑見麟護喪行人許
某云考古之學以金石文為覈今據塔額年月由丁
酉逆數至丁亥海公卒已十年由丁亥順數至庚戌
海公卒已二十有四年矣乃不寤登塔一詩為偽而
登藝文而謂耳筆纂修者果足傳信否耶總之此塔
之建涂與許或並有推輪之功而實資李公經營復
賴翁公而後合尖則確無可疑修志者獨歸之涂許
疏漏已多至於海公在乙酉前逍遙林下有可以登

瓊山縣志

卷十三

古蹟畧

巽

塔之日而實未有可登之塔此詩出於偽託亦確無
可疑修志者於此得毋蒙櫛昧之嘲歟二先生皆首
肯曰然於時椰葉徐鳴月色如霜愧齋後洞簫奏水
龍吟一弄別去乾隆十一年秋月記

文峯塔在城外西南隅八里許大來都地方附近丁村

橋南高埠處瓊士謂此塔興廢關一郡文風盛衰自

塔圯六十餘年科第寥寥康熙甲申知府賈棠於塔

舊基建長杆以助文明乙酉科瓊郡獲舉者六人瓊

山居四賈公遂倡助重建除各官紳捐金三百外瓊

山知縣王贊費六百金董其成有碑記乾隆十一年

知縣楊宗秉修三十八年復圯紳士吳位和杜攀棧

等重建道光五年郡守呂子班集邑紳捐修舊志同

治元年瓊山縣彭榮誥重修明昌文峯二塔此科獲

雋者五人瓊山居二後鄭天章又捷南宮

王廷傅文峯塔歌南溟奇甸開文明象應離明炳文
星地靈白昔鍾人傑莫疑坤道終無成吾瓊南海一
海島五指山高空中撐支分黎母生白石地勢蜿蜒
千里行西北突兀峙雙峯忽落平原來郡城東望明
昌巋然在南望文峯嗟已傾人才原自關地運何由
磊落成羣英郡伯賈公謀創建太合王君實經營七
級浮圖半空起千霄氣象何崢嶸鵬鵠九天摩霄漢
鯤鵬萬里搏雲程秋月果然多攀桂春明自此始登
瀛賢哉守令古循良能將地脉培滄溟從此重修後
先應繼起楊吳與呂彭吾聞儒者不道堪輿說飛鳥
撼龍偽圖經徒信方向誇形勝坐俟不與時命爭未
盡人事聽天數造化亦難照炳靈淵白一畫開天後
乾坤定位清以寧豈真天地留缺陷媧皇鍊石補成
形移山跨海皆寓言孰見石破天亦驚詎知仰觀與
俯察天文地理非杳冥卜筮前人占名勝陰陽默相
流泉清不別崇基廣培植振興學校教青宏處惟窮
經考蠟術出則挖雅歌鹿鳴莫謂予言罔徵信曷不
往代相時衡君不見慈恩塔留題名千載猶傳姓氏
馨又不見起東塔聞樂聲庠序儲材多名卿文運胥
關一朝重羣才蔚萃宏漢京相得益彰前後增光榮

瓊山縣志

卷十三

古蹟畧

聖

三多堂在城外西南乾隆十年知縣楊宗秉倡捐募修

增建後殿祠宇三間

太華祠在城西關乾隆十一年知縣楊宗秉倡捐募修

金粟菴原在金粟泉上明萬曆四十三年知府謝繼科

創建今在二蘇祠右乾隆十二年知縣楊宗秉倡捐

重修正殿三楹增建右側禪堂三楹大門三楹今廢

淨禪院在大挺都地方院內祀符姓神聖蹟歷著禱雨

立應乾隆十二年知縣楊宗秉據鄉人呈請入志以

俱舊志

觀音閣在鎮署後乾隆間建

郡志

準提閣在浮粟泉二蘇祠左康熙五年遊擊易知捐建

以祀準提年久損壞二十五年郡守佟湘年等以其地改建二蘇祠移準提像於金粟菴見舊志今廢

玉皇廟即故三星觀在城北天寧寺左宋名天慶觀宣

和元年御書神霄玉清萬壽宮碑元改今名明永樂

間照磨廖均錫重建知府王修題曰瓊臺仙境後圯

康熙二十年重修乾隆三十八年總兵李耀先首倡

吏民捐修道光十年知府普祥率闔郡官紳重修郡志

全下

林之憐玉皇廟詩落日千林外荒原古廟留空堂飛
蝙蝠壞壁篆蠅牛獨鳥時窺徑哀蟲各怨秋宣和遺
碣在何處有丹丘張廷標同作四壁生雲氣尋幽
更少留短牆環列雉遺像失青牛古碣荒苔色空庭
老樹秋道若當日詔寂寔在林丘王國棟遊玉皇
廟觀宣和御製碑歌叢雲蔥鬱北城北古廟參差開

瓊山縣志

卷十三

古蹟畧

畢

淨域閒來訪古登山庭忽見宣和御碑刻宣和當日
初改元尊崇佛老禮天尊微妙致虛錫冊命輝煌綸
綉頌臨軒神霄玉清命敕建翼翼羣仙上界見神光
下降來雲車靈異時形震飛電寶劍玉篇多稱奇感
孚眷佑崇丕基赫赫詔書灑宸翰煌煌石刻立京師
特頒碑本天下賜大申祥符遵故事天邊忽奉綸音
來海外重摹負巖巖振興道教休無疆不修國政誇
禎祥甲馬行空難卻敵誰護北符塵飛揚堪歎聽神
竟何益宮觀巍然玉宇闕真君莫救國危亡千載空
嗟賸遺迹蒼茫懷古思無窮劫換滄桑天水空上清
不知時代異猶自端拱居法宮今觀此碑長太息人
往風微留遺墨瓊臺宋刻無一存似此貞珉未易得

地藏宮在天寧寺左明萬厯間尚書王宏誨同鄉人募

建屢圯屢修郡志今謂之十王殿

三元宮原在小北門內商人張朝肅捐建後商民錢申

節盛尚志等遷於北城外河畔增建玉皇閣觀音菴

道光十五年護道張培春率官紳重修光緒二十

年海口商人張煥詩熊兆祥等捐貲重建較前更增式廊

大士院在海口所南門內明初建成化間修有碑

彌陀菴在城東一里攀丹村

白衣菴在城北五里官路清惠亭創明萬厯間知府倪

棟建順治間署分巡兵學道戚元弼遷建南橋之右

仍舊名雍正間副使王元樞改名圓通寺嘉慶初年

總鎮西密揚阿在寺後闢地建景遠亭道光年間瓊

山縣李景沆捐集商民重建佛殿刻石紀事文詳金

石畧今菴亭已傾圯滿目荒涼無人重修

歸喬青春日與張梅坪遊圓通寺景遠亭次張南皆

瓊山縣志

卷十三

古蹟畧

哭

閒把酒挹清籟花下弄琴聞妙香佛亦恕人容嘯傲
僧知迎客敘溫涼年來我有談禪癖屢款空門問舊
藏幾處烽烟世路難拚愁鷺嶺雨中攀寺深環抱
澗洞水窗瀾全收遠近山古木陰時羣鳥噪新秧插
後老牛閒聯吟半日懸軒坐偷恐庭花笑我頑又
景遠亭納涼詩孤亭傍古寺滿座嫩涼生荔熟客初
到花開兩乍晴溪山延暮色松竹湧瀟聲辛苦趨炎
客那知共此情王國棟同作古寺叢雲鬱環亭衆
綠生逢僧談半日對景如初晴山壓牆陰影蟬聽葉
底聲一塵飛不到聊共暢幽情

大慈寺在郡城小北門外演武亭西乾隆間巡道吳九

齡邑紳吳位和全建

泰華菴在城西門內草衙巷

萬壽菴在城內丁字街乾隆間建

廣濟菴在海口紅坎坡乾隆三十四年邑人嚴孔熾鄭

邦佐等建

善惠菴在郡城小北門外康熙間建

西來菴在城西南八里文峯塔旁

清源菴在郡城小南門外鵬程坊之側

湧泉菴在邁別一都康熙年間知府王公建道光十年

鄉人重修採訪冊

王廷傳游湧泉寺二首石磴通幽地湧泉藏古寺千
林鳥亂啼一路花爭媚巖麓枕流清山風吹葉墜忽
聞犬吠聲知是幽人至聞道名山好邀朋此一行
鐘敲驚鳥夢樹響曳蟬聲習靜禪心定酌泉詩思清
寺門僧別遠
嶺上暮雲橫

慈濟菴在城東九十里蘇尋二圖下村山地乾隆癸卯
年歲貢馮鳴甲母雲氏建並立香燈田數十畝全

一粟菴在城北浮粟泉山頂清初時建光緒年間住持

瓊山縣志

卷十三

古蹟畧

僧修梅墓捐重修境地幽雅風景宜人

涅槃塔在縣南一百七十里西黎都塔盤嶺上郡志

文筆塔在縣西四十里那秫村乾隆二十八年監生吳

維均等捐建全

文峯塔在縣西四十里式金村前例貢杜騰雲等捐建

採訪冊

瓊邑梵宮多至一百數十所不能悉採入編茲但於
舊志所載者仍之郡志所列者登之其餘則概從畧

海南第一樓光緒十五年巡道朱采建祀唐李德裕宋

李綱趙鼎胡銓李光五公於樓上建五公精舍仿

學海堂例設專課千名選高才生肄業於中采購經

籍課經史詞章之學並新建蘇公祠崇基峻宇為郡
北第一名勝費二萬餘金均從公款酌籌不捐題紳
商人民等款至民國初成無人管理被竊盜毀折將
盡前賢名勝破壞不堪寄目民國四年初夏道尹朱
為潮捐廉倡修集官紳商民捐銀數千元重修祠宇
煥然一新並移伏波祠於蘇祠東邊舊時龍王廟風
神廟已經毀折者闢其地添建粟泉亭洗心軒疊石
成峰石洞蓮池左右飛峙名為瓊園盡復前賢名勝

王廷傳路伏波詩天威遙指奮天戈元鼎南征路伏
波萬里炎荒開郡縣千秋漢業奠山河平黎早掃蠻
烟淨拓地誰如戰績多太息騷人題詠少追思遺跡
載賡歌王承烈馬伏波詩據鞍誰建漢家功苦戰
曾稱豐饒翁拓地籌邊山聚米擎天畫界柱標銅戶
歸馬革情何壯力壓蠻妖氣益雄最恨奇冤成惹苴

瓊山縣志

卷十三

古蹟畧

五

不堪懶懶用孤忠 馮麟聲詩馬革雄心老未灰炎
州旋擁節旄來標錫為柱原奇績聚米成山亦異才
絕域威名馳越中興畫像失雲臺將軍卻被歸裝
誤惹苴明珠萬古哀 王承烈李太尉詩南來聊作
祝雞翁慚乏知交一信通生度鬼門啼越鳥長懷帝
闕望飛鴻中官氣盛誠難制宰相才優孰與同獨怪
平原嘉草木漫勞記載總成空 蘇文忠詩萬里投
荒寓此鄉中遠盼認蒼蒼詩篇何恨愁三黜世事
加春夢一場笠屐公猶圖島嶼蘋蘩我欲薦馨香曾
憂時肝膽披無如主志本圖私思借宗岳期快復恐
聽汪黃屢竄移題壁字留華遠館書碑感泣伏波祠
一心報國惟天監垂老生還慰所思 趙忠簡詩談
國權奸可奈何天涯遠謫感懷多一腔忠憤天應鑒
九死炎荒節不磨自有丹心昭日月長留正氣作山
河手書我讀銘旌句弔古傷今發浩歌 胡忠簡詩
南渡偏安勢莫支心存君國反遭疑請誅奸佞情何
激夢應遷流事亦奇地在得福端由自賦詩 李莊簡
黎岐命逃虎口餘生在得福端由自賦詩 李莊簡
詩勦奸反為暗中傷昌化軍移亦不妨豈有和詩工
託興長畢竟權奸天必報表章我欲繼桐鄉 明王

佐海外四逐客詩李忠定綱公來方始是朝廷爭奈
吳兒苦諱兵常展戴天寧國是杜郵興念豈人情忍
教丞相過南海更有何人說北征自古浮雲能蔽日
重昏世及幾時明趙忠簡鼎身騎箕尾作山河氣
壯中原勝概多立贊建康開左纛坐待崖州滄海
孤忠惟有皇天在萬古其如國是何直待崖州滄海
濁英雄遺恨始銷磨胡忠簡銓大朝廷作小朝廷
人世乾坤已不成志士拊心思滄海渠姦呼黨賀登
瀛共知甘飲三吳水誰念幽棲五國城公去於今三
百載海潮猶有不平聲李參政光五十三家福未
消何人海外得道遙皇天后土猶堪倚明月清風不
費邀但看瓊島一身在莫忍圖書萬卷燒千古牧牛
亭下土好還天道不曾饒王國棟登海南第一樓
謁五公詩大海南來第一樓登臨懷古意悠悠籌邊
此日謀尤急抗疏如公志莫酬望斷帝京身萬里節
懸天地照千秋景賢地後今方建二百餘年祀典留
案賈太守棠建景賢祠並祭五公祠其中祠廢後二
百餘年朱觀察采始建五公祠補前祀典之缺
又蘇泉五公祠河酌亭諸名勝成賦詩紀事滄桑世局
為倡籌集巨款重修不日落成賦詩紀事滄桑世局
多變遷前賢名勝迹已陳滿地荒涼滋叢莽崇祠冷
落老風烟昔日來游深愴歎賦詩徧告吾同人適逢

瓊山縣志

卷十三

古蹟畧

五

使君持節至興舉廢墜清俸捐五公祠宇復修築第
一高樓海之濱補建邱離新息廟開瓊偉續日月懸
亭名粟泉軒洗心依然環時俯雙泉瓊園掩映多卉
木游仙有洞池有蓮嗟峨蘇祠連洞酌天涯遠蕭表
孤臣千古宦蹟一朝復不忍湮沒隨劫塵難得創修
兩節使紫陽後嗣多象賢經營今已成不日參差樓
閣輪奐新我來重游動景慕撫今思昔情悠然念自
五族共和日百事廢壞無復全圖治外侮窺伺防垂涎
瓊島孤懸誰拊循內政及時急圖治外侮窺伺防垂涎
伐次效太尉善籌邊振作人才歸學校武衛既奮交
教宣能將風化被荒蕪幾宦蹟追坡仙此舉始足
光先烈春風秋享祀陳豆邊在天靈爽遊默鑒威風
振站飛鳶莫徒登眺遺游興為尋風景順流連磨崖勒
石紀勳伐聲名遠播千秋傳為尋風景順流連磨崖勒
詩平生讀史闕興亡忠臣竄逐心悲傷偶來古人論
宦地對此百感意茫茫在昔唐宋遘陽九乾坤否塞
賢人藏陰霾朝興現怪物浮雲晝起蔽日光詭譎牛
李黨禍烈謂蘭莖惡蕭艾香盈廷唯諾孰嘗講坐台
國士老投荒自從荆湘壞屏障中原恢復永無望忠
簡忠莊相繼罷敵騎衝突如犬羊安危須仗出羣傑
有才不用謀豈臧五賢後先同廢棄天涯萬里道路

瓊山縣志

卷十三

古蹟畧

至

長靈均問天天不語仰視大造空青蒼兩朝孱弱同
 病醫國無術窮扁倉我遊此邦三歎息復瞻崇禎靈
 滄古人去今且千載英風灑氣留一堂抗懷往昔亦
 自惜問余何事走蠻方寧為謠詠騰衆口非緣韶音
 下君王別有懷抱寄海外烟雲聚處神倘祥上觀千
 古下千古羈旅仕宦同一鄉得意失意等閒事功名
 過眼幾滄桑惟有文章與氣節留傳百代猶芬芳五
 公大名齊宇宙我欲跨越無津梁權作詩篇表遐慕
 後有游者慎勿忘 俞鍾穎五公祠懷古和歐陽諫
 韻詩玉蟾火香玉局亡書生勇古心盡傷眼前突兀
 增萬感天空海濶雲蒼茫唐宣不省太尉奏敏中力
 排甘退藏六箴丹辰委草莽崖州一謫珠沈光宋高
 乘時微大位汪黃讒間猶消香萬安軍忽竄故相十
 事疏草埋炎荒謬醜攘柄忠簡黜安名竟絕金人望
 丹心不泯誓九死所嗟未覩烹宏羊同時參政騰雅
 詠枝求晉混胡不滅詎以譏訕置荒遠瓊州路較藤
 州長逐臣聯袂有樞密天涯唱和鬚眉蒼買愁村來
 愁更愁視身穉米存太倉岑樓千載表忠蓋曠世相
 感神傍遑設台當年燭奸佞集思廣益開明堂努力
 廟謨舉百廢勤求猛士安四方盡投豺虎遠彼譖豈
 獨鵜鰈其來王何圖明蔽聰復塞小朝廷自安倘佯
 方今世局又一新北通冰域南炎鄉峩峩樓船橫海

施茶亭在縣西三十里許其地無憩息所往來苦之明

大學士邱濬因卜葬母曾經其地建亭施茶水以濟

行人施茶舖之名實緣斯起亭久傾圮屢有修築近

年符雲官倡捐陳星輝陳悅彭吳堂宣吳蓮開王三

槐等勸捐重修 符雲官詩四百年來徑未荒名賢建

入草草傷幾樹繁枝蔭庭戶數椽小屋老風霜吾曾

游訪尋遺蹟修築先傾笑阮囊 愧為後學景前賢

每歎遺亭幾海內青山迎爽氣東臨仙井汲新

泉不妨鞭影停門外猶有棠陰憩舍邊施濟餘恩雖
 已渺芳名尚 案馬鞍主山 近亭西東偏 採訪
 幸至今傳 遊寶仙井 册

起元塔在珠良村外高五丈廩貢梁開檣建

古蹟畧 坊表

親民厚本宣化三坊 在縣門外正德間知縣駱敏建今廢

承流坊 在府署東今廢 宣化坊 在府署西今廢

澄清海甸坊 在道署東今廢 振作人文坊 在道署西今廢

文武重鎮坊 監察行臺坊 在察院前今廢

南溟奇甸坊 在府前正街 古珠崖郡坊 在府前正街廢

子惠黎元坊 在縣署前今廢 清朝人瑞坊 在府前正街為京推官許

暉斗立 少師少傅坊 兩坊在府縣學東西為邱

濬立今廢 國計坊 在廣豐倉前廢

瓊臺福地坊 在闕帝廟前 忠介坊 在今總兵署左為海瑞立

學士尚書坊 在府前為王宏誨立 解元坊 在今府學宮前為張世衡立

瓊山縣志 卷十一 古蹟畧 坊表 五三

聖旨坊 在闕帝廟前郡守謝繼科為闕帝立今廢

解元坊 在府學西為曾蘭立今廢 冢宰坊 為廖紀立今廢

瓊南秀氣坊 在丁字街為夏昇立 大宗伯坊 在今總兵署右為王宏誨立

海南保障坊 在參府前今廢 溟甸羣英坊 在今總兵署東為進士唐

月周宗本吳天挺俞宗梁林士元鄭傑林傑曾鵬立年久傾圮乾隆間例貢周之鏞捐貲督修

世科坊 在舊倉街口為舉人王宸王伯霖王汝為立

進士坊 在舊城隍巷為林震立 進士坊 在縣後街為楊愷立

少司馬坊 在大西門內為鍾芳立 忠直坊 在大西門內為行人許子偉立

道南書院坊 在舊倉街兵學道林汝翥立

進士坊 在縣東街為張世衡立 武秀坊 在縣東街為舉人張世英立

進士坊 原為夏昇立其後嗣欲售之行人許子偉償其價移豎于義學前一面存夏昇原名

一面題亡名

貞節坊五一在真武廟旁

諫垣使節
妻馮氏立一在舊舍為王伯霖妻張氏立一在縣東街為張世衡妻胡氏立一在水關口為任愷妻甄氏立一在縣前為潘懷妻陳氏立以上俱在大城內

會魁坊鄭廷

進士坊為薛遠立

國賓坊為舉人李都立

畫錦坊為同知李昌立

啟芳坊為舉人夏欽立

進士坊為王儼立

文魁坊為舉人朱序立以上俱在小西門內

世芳坊為舉人劉筠立

繡驄坊為廊傑立

少司徒坊為鍾芳立

文宗坊為鍾芳立

大邦伯坊為鍾允謙立

儒宗司諫坊為鄭廷鵠立以上俱在小西門內

梯雲坊為舉人海寬立

瓊山縣志 卷十三

古蹟畧 坊表 五高

登第坊

進士坊

繡衣坊

畫錦坊以上四坊俱為李珊立

聯芳坊為舉人李玠立

登薦坊為王宗源立

貞節坊為王鑾妻吳氏立以上俱在小北門內

茂學淳行坊為吳效今地
地卿世家坊在石門村為吳賢秀吳政

會期立

穎秀坊為舉人劉預立

鵬程坊在大南門外為舉人陳宏立

攀桂坊為舉人林裔立

登俊坊為舉人崔會立

月桂坊為舉人莫讓立

冠英坊為舉人蔣淵立

登雲坊為舉人周潤立

梯雲坊為舉人劉預立

雲路坊為舉人楊舒立

仙桂坊為舉人鄭璇立

擢英坊為舉人吳豐立

擢秀坊 爲舉人 陳暉立

青雲坊 爲舉人 岑英立

進士繡衣紹美一坊二匾 俱爲海澄海閣立

忠烈坊 在小西門外 爲梁思泰立

解元坊 在小西門外

廷魁坊 在解元坊右

學士坊 在下田

大司成坊 在小北門外

少宗伯坊 在小北門外 俱爲邱濬立

貞節坊 在下田爲邱傳妻李氏立 大學士彭時撰銘見藝文

景賢祠坊 在小北門外

雙桂傳坊 在下田爲舉人 唐翺唐暉立郡

志無傳字

芳桂坊 在教場口爲舉人 陳大章立

海南第一禪林勝 天寧寺前

地封坊 爲連城知縣牛大 緯父增廣生牛全

母王氏立

三公祠坊 在小北門外郡 守賈棠建知縣

王賢首修光緒戊子年 郡徐偉文重修

忠勳世仰坊 在清惠亭前 郡士民爲兵

瓊山縣志 卷十三

古蹟畧

坊表

五

學道林 汝翁立

化孚溟渤坊 在海日天后 廟前爲舉人

林應陽立

都憲坊 在東關爲 唐胃立

青雲坊 爲進士 唐舟立

天衢坊 爲進士 唐亮立

聯桂坊 爲舉人 唐卿立

聯璧坊 爲舉人 唐欒立

省魁坊

會魁坊

進士第坊 三坊俱爲 唐胃立

進士坊 爲知府張 學顏立

青雲橋坊 在村頭以上九 坊俱在蕃誕村

登科坊 爲舉人 吳榮立

飛騰坊 爲舉人 范倫立 以上二坊俱在河口

進士坊 爲吳 錫立

桂林坊 爲舉人 吳昊立

解元坊 爲唐濂 伯立

文奎坊 爲舉人 唐虔立

進士坊 爲陳天 然立

登庸坊 爲舉人 林桂立

賓興坊 為舉人 吳賓立

進士坊

繡衣坊 二坊為 陳實立

俊采坊 為舉人 吳鼎立

貞節坊 為陳普恤妻張氏 立以上俱在南橋

濟美坊 為舉人 崔繼芳立

聯桂坊 知府王伯貞 為王克義立

進士坊 知縣周宣為 王克義立

貞節坊 為王勇妻 韓氏立

烈女坊 為陶舜卿女立 以上俱在海口城內外

解元坊 為鄭真 輔立

亞元坊

進士坊 俱為林 傑立

應奎坊 為舉人 曾英立

進士坊 為會 鵬立

攀桂坊 為舉人 馬徽立 以上俱在宅念都

雲梯坊 為舉人 謝慇立

應奎坊 為舉人 周尚文立

世英坊 為舉人 周奎立 以上俱在東岸都

瓊山縣志 卷十三

古蹟畧 坊表 五十一

正榜坊 為舉人 葉茂立

文明坊 為舉人 黃鳳翔立 以上俱在頓林都

步蟾坊 為舉人 陳福立

承芳坊 為舉人 陳經邦立

文魁坊 為舉人 黃宣立

鳴鳳坊 為舉人 符朝宗立 以上俱在蒼原都

折桂坊 為舉人 周潔立

毓秀坊 為舉人 周昇立

登科坊 為舉人 周奇健立

登雲坊 為舉人 周賓立

折桂坊 為舉人 周宗本立

拔尤坊 為舉人 周著立 志作青雲坊誤

進士坊 為進士 周宗本立

進士坊 為進士 周世昭立

文魁坊 為舉人 周溥立

文魁坊 為舉人 周鳴皋立

禮魁坊 為舉人 周尚賓立

登俊坊 為舉人 周仲良立

光啟坊 為舉人 甘永泰立

進士坊 為林士元立 以上十四坊俱在東洋

一都 山村

蜚英坊 為舉人 王濂立

步月坊

為舉人蔡伯祥立

青雲萬里坊

為舉人蔡士儲立

文瑞坊

為舉人蔡齊宸立以上四坊俱在遵都

進士坊

宋德祐元年為何一鵬立

從龍坊

為舉人吳衍立以上二坊在梁老都

雲龍坊

為舉人蔡嵩立

進士世家坊

為進士梁雲龍立

亞魁坊

為舉人蔡秉乾立以上三坊在梁陳都

文魁坊

為舉人王忱立在那穠村

遴魁坊

為舉人鄭楷立以上二坊在烈樓二都

世第坊

為舉人鄭昂立在那穠村

月桂坊

為舉人馮士俊立

冠英進士坊

為符銘立

世科坊

為舉人符奎立

奎光坊

為舉人符貞立

襲桂坊

為舉人馮源立

聯桂坊

為舉人馮濬立

亞元坊

為舉人周冕立

繼芳坊

為舉人周諤立

海天一鵝坊

為舉人梁繼立以上俱在

瓊山縣志

卷十一

古蹟畧 坊表

七

那邑

世科坊

為舉人陳復陳維翰陳大烈立以上三坊俱在博

邁都

聯芳坊

為舉人林宗哲立

世科坊

為舉人林汝常立

光裕坊

為舉人馮濟立以上三坊俱在大林

都

鍾秀坊

為舉人家亨蒙克昌父子立

尚賓坊

為舉人林元立以上二坊俱在演順都

冲霄坊

為舉人張翽立

世美坊

為舉人張縉立

青雲步武坊

為舉人張沛立以上三坊俱在官隆都

擢桂坊

為舉人吳忠立

隣魁坊

為舉人吳言立以上二坊俱在蘇尋

林桂坊

為舉人鄧林立以上三坊俱在大顯都

擢秀坊

為舉人馮海立

折桂坊

為舉人馮嗣立以上二坊俱在蘇尋

都

登第坊

為舉人馮經立

世賢坊 為舉人 陳麟立

都

恩榮坊 為舉人 李芳立

都英

登瀛坊 為舉人 廖忠 立在萬都

青雲坊 為舉人 符仲新 立在邁別都

登雲坊 為舉人 符九容 立在那社都

達林坊 為舉人 陳復 立在博茂都

村。以上 俱舊志

再移建縣前街瓊臺書院大門坊 為巡道焦映漢建今地石額存

東閣龍圖坊 在東門內上街崇禎九年提 光緒二十 年重修

瓊山縣志 卷十三

海濱鄒魯坊 在縣 學前

瀛洲首選坊 為翰林院編修吳 璵立在府學左今廢

桂苑聯芳坊 為進士吳典舉人 今廢

孝友坊 為鄭存禮立 科甲聯芳坊 為進士唐舟 唐亮唐緇唐 卿唐穆解元唐次道唐瀛伯舉人唐敬唐虔唐 卿唐翔唐輝武舉唐褒立在東廂一攀丹村

胄唐穆解元唐次道唐瀛伯舉人唐敬唐虔唐 卿唐翔唐輝武舉唐褒立在東廂一攀丹村

道義之衢坊 明教諭趙謙立 在南郊舊學

雲路鵬程坊 在城外 登瀛坊 為舉人王儼立 在城南隅

秀毓天南坊 在海口東門內海門社學前舉人 溫有章建後有文瀾學海四字

進士坊 為御史 文魁坊 為舉人馮翰士立 馮禹立 上二坊在蘇尋二

都美 帖村

文魁坊 為舉人吳金立 在大攝一都石門村

登龍坊 為舉人黃輪立 上三坊俱在烈樓

雲衢坊 為舉人張誠立 在張吳都北拱村

魁英坊 為舉人陳侃立 上三坊俱在大小

挺秀坊 為舉人王謙 立在禾豐都

登科坊 為舉人陳衍立 在調塘一都皇瀛村

丹桂坊 為舉人薛預 立在大來都

攀龍坊 為舉人張善教 立在那社都

聯柱坊 為舉人林裔林疊 立在桂林都高山

瓊臺書院坊 在道署西後 移建丁字街

占蹟畧 坊表

五

孝行坊 為孝子吳位和 立在縣學前

捷步瀛洲坊 爲舉人沈沂立一而刻世科爲

科甲聯芳坊 爲進士周宗本周世昭舉人周潔周

兄弟廷貢坊 爲歲貢博羅訓導陳大有立

進士邦伯坊 爲林養高立

登龍坊 爲進士吳文助 文魁坊 爲舉人吳尚賢立

萃美坊 爲歲貢張軫立 進士坊 爲進士鄒天章

進士坊 爲進士王之藩 文魁坊 爲舉人吳魁朝

桂林坊 爲舉人陳輝斗 進士坊 爲進士干斗文

桂芳坊 爲舉人黃兆炳 桂苑坊 爲舉人杜以寬

賢書坊 爲舉人鄭文彩 武魁坊 爲武舉李有魁

瓊山縣志 卷十一 古蹟畧 坊表 五十九

義民坊 爲王嗣賢立 在調塘一都道光

奉天勅命坊 爲地封滋陽縣丞附貢

地封坊 爲大埔訓導王魁衡之父王簡

昇平應瑞坊 爲陳訓妻例封安人吳氏立

昇平人瑞坊 爲壽民王簡立 訓導王魁衡父一爲壽民

期頤偕老坊 後刻昇平人瑞爲壽民王簡

貞壽坊 四 在道都爲歲貢蔡十朋母莫氏立

德興圖 木兌村爲高涵妻莫氏立 在西城外

五代同堂坊 在北路

貞節坊 六 在北門外爲鄭龍功聘妻陳氏立

圖爲林其收妻謝氏立 慕坊 在五里亭一爲

明貞烈李氏立 一爲節孝洪黃氏立 一慕坊在

大較塲為新增村洪見邦聘妻馮氏立一在三里亭大路旁
為洪見建聘妻馮氏立貞孝坊在塔市東為楊正智聘妻陳氏立

節孝坊五十

一在縣前為馮潤妻陳氏立二在小
北門內一為黃元先妻陳氏立一為

馮兆英妻黃氏立一在甘樵園為吳毓奎妻伍氏立一

母唐氏立一在甘樵園為吳毓奎妻伍氏立一

在西郊為羅暉才妻黃氏立一在海口紅坎坡

為何其熾妻王氏立一在東岸都為周建賢妻

盧氏立一在蓮塘村為廩生王翰學妻吳氏立

一在桂林都為郭瓊泰妻林氏立一在大那邕

都為庠生梁啟學妻王氏立一在上那邕都為

周宏琳妻吳氏立一在博盛都維泰村為杜常

輝妻職州同攀稜母游氏立一在蘇尋都大志

坡為歲貢馮鳴甲母雲氏立一在射欽圖為生

員陳元模妻黃氏立一在萬都二圖一在后雲

村前俱為周秉穹妻潘氏立一在文興都為吳

文河妻陳氏立一在羣平村為陳以甯妻王氏

立一在遵都為例貢吳世煥妻馮氏立二在遵

都豐里一為蔡勸妻王氏立一為蔡江妻覃氏

立一在東洋都員里為周璧妻葉氏立一在梁

陳一都為梁士進妻曾氏立一在梁陳二都為

蔡在智妻楊氏立一在西黎一都為王柄妻梁

瓊山縣志

卷十二

古蹟畧 坊表

六

氏立一在上游都為梁萬邦妻王氏立二在頓

林都博冲大路旁一為貢生王君極妻陳氏立

一為林家瑞妻吳氏立三在文林都一為馮倬運妻

林家瑞妻吳氏立三在文林都一為馮倬運妻

吳氏立一為吳天運妻馮氏立一為吳元之妻

陳氏立一在博茂都為陳日晃妻張氏立二在

振文都一為楊朝選妻劉氏立一為李鍾芳妻

潘氏立一在楊朝選妻劉氏立一為李鍾芳妻

瑞城村東為庠生符運謨妻饒氏立一在湖塘

村為陳慊妻王氏立一在邁德村前為曾魁文

妻郭氏立一在邁德村前為曾魁文

之秀妻吳氏次男之拔妻潘氏立一在官隆一

圖青草村為庠生馮懷芳女王朝烈妻劉氏立一

調塘一圖皇瀛村為庠生陳邦祥妻劉氏立一

調塘二圖長久村為林其英妻吳氏立一在聖

鹿圖白石溪為張在鵬妻符氏立一在蘇尋二

圖福岷村為陳日炳妻林氏立一在大林一都

龍坡村為辜宏亞妻張氏立一在開文圖為陳

毓蛟妻周氏立一在麻欽圖嵩崙村為陳邦瑞

妻鄧氏立一墓坊在城西南丁村前為符兆熊

妻蔡氏立

節孝坊

一在官隆一里璞鄉村為王蹟遠妻許氏立

立一在大湖村為袁開文妻黃氏立一在樂會子

村後為蛟頭村陳德佐妻謝氏立一在雲亭大

路旁為羅以登妻蘇氏立一在桂林圖為吳萬鏞妻

一為李乾昌妻蔡氏立一在桂林圖為馮思芳妻

林氏立一在蘇尋都為馮寶崇妻韓氏馮思芳妻

韓氏立一在安仁圖為鍾文明妻王氏立一在英華譚康

順西田村右為陳國珖妻林氏立一在桂林邁德村西為

村比為王履清妻周氏立一在昌城村比為林道泰

附生曾志坊妻符氏立一在昌城村比為林道泰

妻陳氏立一在興仁高山村西為林德傑妻陳氏

立二在調塘裝軍坡地為上園村何毓秀妻劉氏

何榜先妻張氏立二在萬都為丁江夏妻李氏丁

朝福妻符氏立一在加兩市外為王廷爵妻黃氏

立一在屯昌市道旁為陳明魁妻王氏立一在道

學村宗祠外為王士卿妻姚氏立一在道貫村為

吳日和妻蔡氏立一在永輦村為陳詒耀妻章氏

立一為陳敬立妻林氏立一在加兩市外為王士

琇妻林氏立一在多嘉村為黎正第妻孫氏立一

在後湖村為張大吉妻何氏立一在福同村為鍾

德芳妻孫氏立一在仁定村為符人紀妻孫氏立

古蹟志二坊表空

瓊山縣志

卷十三

一在遵都為吳世煥妻馮氏立一在張吳圖為舉

人陳毓姜妻蒙氏立一在永都為林中桐妻吳氏

立一在崑陽為吳元拔妻周氏立一在邁德村為

附生曾爵一妻符氏立一在魏眉村為曾日燧妻

陳氏立一在新市

為林菁妻吳氏立

一門雙節坊三玉麟妻張氏立一在蘇尋都大志

坡為馮枚妻雲氏馮棟妻韓氏立一在蒼原

二都為覃魁見妻馬氏覃純仁妻洪氏立

冰玉雙清坊在批門外太慈寺古為拔貢在豐州

立○以上郡志並採訪册

冰雪凌寒坊在演順西田村後為

節行坊在演順金盤村右為

節烈坊在三江市外為林鴻記妻饒氏立一在永

村為陳其濟妻王氏立一在里仁村為莫德榮妻

張氏立一在大林市為吳耀東妻孫氏立

唐塚墓

戶部尚書吳賢秀墓在縣東三十里牛欄坡之原明工

部郎中遠孫吳會期重修

舊志下全

曾志清謁吳尚書墓詩牧童相引度前坡一望平蕪古墓多勝有尚書碑碣在依稀歲月記元和帝王陵寢亦遭殘拉朽摧枯骨未寒自昔如公凡幾輩年年石碣盡書丹

禮部尚書李璣墓在城東一十五里多羅坡之原

馮公墓明宣德間村人耕陶公山下掘得一塚其中深

邃有碑石云大唐賜紫金魚袋馮公墓翰林學士李

吉甫撰文或以為高涼郡守譙國公馮寶墓

案朱子通鑑綱目書陳永定三年馮寶卒又隋史譙

國夫人洗氏傳書夫人沒於隋元壽初墓在電白縣

瓊山縣志

卷十三

古蹟畧

六十一

則寶墓固應在彼况寶之孫智戴曾侍宴於太宗貞

觀七年而李吉甫為學士在憲宗元和之初智戴去

吉甫已一百七十餘年寶之死豈不尤遠決非寶墓

明甚大抵寶洗同於此土隋唐間開府置官子孫世

為南越君隋又以臨振郡為洗氏湯沐邑贈其孫僕

為崖州總管唐崖州在瓊山意此墓乃寶之子孫也

但失其名耳

全上

宋

宋知瓊州府事周仁浚墓在郡西南三十里儒榮村之

原

宋流寓周秀梅墓在郡西南美盈村之原

瓊管安撫司林暹墓在城南舊州之原郡志下全

朝議大夫何興墓在城西潭口村土名九嶷山

進士何一鵬墓亦在九嶷山

兵部侍郎贈觀文殿大學士兼樞密察院諡文義王居

正墓在城南二十五里邕陽都潭謝村有諭祭碑全上

明

教諭趙謙墓在城南門外六角井之右唐胄重修之立

墓誌銘 國朝乾隆間生員林洪棻修嘉慶二十四

年賓興值事修符魁泰督理道光十六年教諭黃玉

衡訓導吳家樹捐俸率諸生致祭歲以為常光緒十

九年學使徐琪捐俸築石墳諭縣學歲時致祭增補

瓊山縣志 卷十三 古蹟題名 全三

鄉賢王惠墓在蒼驛都多閃地舊志下全

進士王克義墓在陶公山馮公墓前即今三嶺坡地

御史唐舟墓在蒼驛都雲亭山

大學士邱文莊公濬墓在五原都五龍池水頭村南夫

人吳氏合葬有諭祭碑刑部尚書何喬新撰神道碑

舊志增

俞鍾穎謁丘文莊海忠介二公墓詩自我來巡瓊高

山景曩哲奇甸數南溟地靈蔚人傑有明方申葉間

氣炎州洩航航丘文莊綸扉儒臣列謬謬海忠介南

臺表風節撥亂反諸正後先合軌轍我讀瓊臺稿大

道英華擷瀛洛溯淵源表裏有激激我誦備忘集健

筆可屈鐵直言天下事雷奔兼電掣衍義補一書百

世作標揭辨黨邪一疏宰相愧容悅幸游公梓里曠

世奉圭泉近傳新詔書恩光照山坵凡在古賢墓慎

護毋瀆喪涓吉展賜瑩致齋屏瓊層清晨出西郊綠

樹紛啼鵲遙望瀕涯村華表蟠虹蜺水頭村之南平

麟環曲折相去約里許規制亦相埒寅僚集冠裳那
彥借奠酸潛心申默禱牲醴謹特設精靈眇天際登
此瓣香熱欽三不初儼若親警吶明德必有後子
姓蕃瓜瓞猶留芹藻馨長幼存有別佳城並嗟峩豐
碑未磨滅瞻眺墓門前空曠心日潔高原接混茫遠
山若綿葛結構崇祠古飲福甘泉潔翁仲各無言世
已興亡閱古人不可作欲語仍橋舌世變今愈大憂
心時煖櫻鯨波洶湧中萬怪逞誰語玉石一槩量休
咎難著撰謫臺百級高骨髓中原竭無計額天閭蓬
帛無龜龜歸途忽有綱耳聽道旁說兩公幼失怙賢
母茹水清冽村人識忠孝古事能詳軼感不絕余心搔
根水清冽村人識忠孝古事能詳軼感不絕余心搔
首涕如雪王國棟謁丘文莊公墓詩海邦鍾正氣
備萃鳴珂里生長同一村後先相繼美理學兩名臣
赫奕光桑梓生前治比鄰身後先相繼美理學兩名臣
神童詠五指生瞻仰抱清風高山久仰止惟公名世英
學的探名理家禮詳儀節正綱編世史著作等身富
師法良有以經濟原學問同風追感軌永叔為文宗
昌黎教國子師立善人多山斗敬瞻彼巖巖照氣象
翼翼常顧諟力挽狂瀾倒忍合隨風靡正色立朝端

瓊山縣志

卷十三

古蹟畧

六

輔弼天顏喜三年定考績黜陟惟所仕祖宗成憲遵
私見不存已孰知道莫容妬賢妨有技諫疏偶相攻
反誣公指使俗儒不加察遂信譽由起史策痛無言
悠悠安足恃小子生公後相去數十紀尚論撫古懷
潛思鑽故紙年譜勤纂輯因端而究委辨別明心迹
篤信徵素履弁州公論存白沙對靈祀據此釋羣疑
洵足全終始今日來憑用低徊夕陽裏塚留八卦文
表遺雙闕時護喪有六官頭銜列名氏焯焯論祭碑
扇扇扶其趾剝落存四柱石亭已傾圮矢念重修築
儀制復故址補勒文恭文藉明道同揆落落高風在
遙遙曠代視俯仰增感懷一往深翹企張廷標同
作對面橫碧山行行祇一甲水頭原上村香稻秋田
美兩墓隔平疇瞻望如杞梓不是崔與張有誰堪匹
此勝地久盤桓鳥聲時入耳景慕心彌殷日斜同戾
正開籬循神道鳥用牧童指展拜竭鄙誠碑碣書奉
旨剔苔摩挲西山輔世明所以著作傳不朽程朱道同
史衍義補西山輔世明所以著作傳不朽程朱道同
執敢調精博才眼中無餘子信不持與扶為相焉用
彼格君矢苦心明命期顧諟抗言獻盈廷匡救先奢
靡惟思社稷安那計羣工喜強學賤功名未優豈敢
仕衰老憂覆餗兢兢兢懍懍持已經世在賢能易貴雕
披三原事可疑奏許豈公使浮雲蔽太清警議緣此

起屢疏乞歸田罷眷無所恃以此察公心暖昧何由
紀曾參不殺人辯言書一紙雙槐存公論當日知端
委墓門草青青餘芳襲雙履尸祝待他年庭廡崇禮
祀吾鄉數文獻屈指公為始遺祭垂天章鐵畫殘烟
裏桑田今已非亭柱歸然時纍纍皆古墳試問人何
氏郊外有農人荷插同舉趾道見楓樹林長鬣多崩
圯守墓公兒孫旁支移故址盛衰各有時零落同一
揆卓哉曠代賢慎勿尋常視愧我生公後徒切龍門企

解元唐濂伯墓在蒼屹山王佐詩云他時若問田邊墓

嶺海南來第一人

婺州知州舉人蔡嵩墓在東邊嶺脚三洞地

太常寺卿夏昇墓在博蒼山有諭祭碑文詳金石畧

侍郎唐胄墓在陶公山下有諭祭碑尚書王宏誨撰墓

誌銘舊志增

王國棟謁唐侍郎西洲公墓詩仲秋天氣清相約陶
公行夾道叢莽繞穿林幽鳥鳴升墟度原陞逢人間

瓊山縣志

卷十三

古蹟畧

六五

前程行行數十里鬱鬱見佳城掘衣虔瞻拜聊表傾
慕情起視碑道磨礱無勒銘論祭文何在不見留
墓庭韓陵賸片石巖頂徒成荒涼歎滿目儀制多
變更孝孫書名恪嗣子未書名知公喪未久禮部隨
九京未及親督造草草成賜塋傳家貽清白無計謀
經營予觀三太息感慨公平生當日事世宗疏諫內
臣橫提學儒蠻化奉使未邦平所至弊政革所行綱
紀明五遷官大禮議抗疏尤力爭配天有定制周禮百
世型文武昌不漢宋論不經逆鱗犯天顏氣節何
崢嶸所關宗社計天下震直聲詔獄聽廷議削籍歸
躬耕遇赦復冠帶賜塋墓邀恩榮介節嶺南冠史冊垂
定評平昔學公學私淑心素傾表章公學術年譜編
輯成今日謁遺墓曷禁心怍怍嶺南間氣鍾誕毓原
非輕生前何烜赫身後何凋零書香十餘代世守惟
德馨無力能重修一任荒蔓縈有志竊未逮何以妥
先靈高山深仰止歎息為南溟

寧德縣知縣舉人蔡齊宸墓在洋堯墳亭地

御史俞宗梁墓在蒼驛都南正之原

御史陳寶墓在陶公山下侍郎邵寶撰墓誌銘舊志增

貴縣知縣舉人蔡秉乾墓在蒼吉東山地

侍郎鍾芳墓在蒼原都鍾宅坡村後賜諭祭祭酒黃佐

撰神道碑銘舊志增

案隆慶六年壬申海寇肆掠由廉抵澄焚舟登岸潛

寇定安涉建江掠北通蒼原諸鄉發棺索金殃及墳

墓侍郎墓在蒼原赤厓賊鉄鎚碑獸逞威將及石墳

時天亢旱不雨數月忽日色慘薄黑雲浮空旋倏間

轟雷掣電大雨交作眾賊心悸膽落莫敢仰視羅拜

而去張子翼有記海忠介公有詩以紀其事

張子翼鍾筠谿山墳雷雨記先生諱芳號筠谿累官禮兵兩部侍郎文章勲業詳在行狀藉藉可稽敕賜

瓊山縣志

卷十三

古蹟畧

空

御墓於蒼原之赤厓里長郎萊州府太守允謙卜佳城焉近年海賊肆掠民無寧宇壬寅春由廉抵澄焚舟登岸潛夜寇定安環攻城樓不克乃涉江掠北通蒼原諸鄉落駐紮員山奸細鄉民潛通賊黨為向道日生人遁矣彼父母骸骨豈忍棄諸遂發棺索金以數百計復搜頭者山陵殃及赤厓羣盜負鐵鎚鋤畚始碎碑獸逞威將及石墳時天時亢旱不雨者數月赤地千里忽日色慘薄黑雲浮空旋倏間轟雷掣電大雨交作羣盜心悸膽落莫敢仰視羅拜即首雖壓以三軍被以重圍未有得其攝服如是者相與蟻引而去厓用安堵時值先生玄孫督府參軍並次孫上舍旋加營葺華表依然松楸不改然自封塋之外則飛炎亢魃如故奇矣嗚呼是雷兩風雲者胡為乎來哉皆由先生正大之學昭揭乎乾坤精英之氣瀾漫乎宇宙有不依形而立不隨死而亡者故其所感乃迅異若是昔淮水之脫也以風濤沲之濟也以冰天之岳所助信今昔同之也若先生者謂非德厚流光川岳庇其遺魄鬼神呵其不祥者耶海瑞詩既歸三尺樂斯堂况有金函玉匣藏誰謂蓋棺占定事猶餘赫怒鹿重岡丹忱貫石塋俱古赤電明心山亦蒼千載智愚都幻化到來賢哲自洋洋王國棟謁鍾司徒筠谿公墓詩昔歲在困敦仲冬十

一月行經公賜瑩虔誠一拜謁協洽復再至墓門讀
碑碣煌煌論祭文蛟龍互盤結始由侍從臣外補郡
丞缺洵陟藉勛郎旋擢桂司臬將兵討馬平六青諸
寇滅功成晉三錫開藩吏六察進秩佐司徒袞職補
有闕大書特深烈丕著公忠節一代稱偉人千秋仰
英烈翁仲拱而立歷盡風霜雪山水猶朝宗松楸表
芳潔仰觀墓上石龜坼舊痕裂想當盜發時欲將斧
施鐵上天忽雷雨飛空電閃擊勢欲擊羣醜驚懼氣
齊奪羅拜不敢犯因留此微穴公真神人哉毅魄將
賊殺赫怒庇重岡沒世公不沒今我來憑弔臨風景
前哲年譜風編纂討論采眾說經濟兼文章丘海同
一轍惜未得公集紀事精要撮著作名山藏傳述輯
遺佚幸獲神道碑奏議備詳列遇災請修省論叛誅
亂卒慷慨言時事心血一腔熱泰泉公同志學術能
闡發嶺表有鉅儒胞與同民物文難沒不彰道已昭
若揭慨想公平生景仰念彌切拜辭緩步歸雲山遠
別送

御史馮禹墓在蘇尋都蒙山賜諭祭文詳金石

鄉賢舉人蔡仕儲墓在書齋地

瓊山縣志

卷十三

古蹟畧

七

知府陳天然墓在南橋下坎村之原

員外唐穆墓在香根村

知府王儼墓在白水塘

參政鄭廷鵠墓在蒼驛坡鄭家村前

副使黃顯墓在定安金雞嶺

參政黃宏宇墓在元墩嶺

右都御史謚忠介海瑞墓在濱涯村賜祭瑩

王國棟謫海忠介公墓詩八月天氣好相約西郊行
平疇禾黍秀邨落風日明濱涯一彌望鬱鬱有佳城
翁仲遙拱立坊表直臣旌煌煌書姓氏千載猶如生
焚香共展拜懷古撫幽情追惟公當日剛正本性成
讀書志聖賢事君矢忠誠作吏垂縣譜權貴懾威名
榮遷邀不次強諫逆鱗撻願竭回天力鼎鑊罪荷寵
近侍歎忠鯁朝野震直聲穆宗正宸極釋罪荷寵
三遷官大理一疏救台衡波羅持使節風骨何嶄嶄

秋霜肅都憲烈日照陪京條教勵官箴貪墨皆懷清
荷政除猛虎治水防奔鯨何來讒佞口白璧青蠅營
彈章九重上抗疏羣賢爭陳情一朝歸養志十年更
疑息有當軸薦剌多公卿垂老矢圖報敬歷拯編氓
武侯鞠躬捧溫公遺表呈同僚歎廉節天子悼忠貞
輟朝情共傷罷市淚俱傾易名隆賜謚泣奠送歸程
窳窳卜宅兆浩氣常充盈小子生也晚未獲親典型
奉祀肇經室集校稽藝亭思端多士習爲表著作庭
望古懷靡靡及載籍常乞靈今觀神道表如觀遺像形
重修賴賢守儀制猶未精碑刻乏雙螭變之堂無三楹
不足肅瞻仰何由潔染盛擬將鳩工匠營之按圖經
幽藏慰忠魂貞珉補誌銘炯炯丹心照千古炳日星
聞風憑弔者
曠代思遺馨

按察使林震墓在射釵園大塘之原

副都御史梁雲龍墓在龍坡賜諭祭文詳金石

工部郎中吳會期墓在雲亭山西

戶部郎中唐翽墓在蒼驛水果山以上俱舊志

瓊山縣志

卷十三

古蹟畧

六

知府鍾允謙墓在城北教場之原郡志下全

舉人王忱墓在烈樓都大學士楊廷和撰墓表文詳金石

中書舍人符銘墓在上那邕都博蒼地

舉人都察院經歷洗沂墓在龍塘鄧家地

知府張允佳墓在城北金粟巷後

鄉賢陳常墓在雙坡嚼牛之原採訪冊下全

鄉賢陳應辰墓在大林雲山坡

明鄉賢許子偉墓在陶公山大學士蔣德璟撰墓表

明四川道監察御史海澄墓在甘蔗園西海室園

明翁源縣訓導舉人蔡伯祥墓在洋堯蒼懶地

明鄉賢楊愷墓在郡西七里村東邊安人王氏合葬

明武昌府通判舉人周賓墓在文山之原按察使司林士元撰墓表

明藤縣知縣舉人蔡廷相墓在射釵犂冲嶺

明賜進士工部都水司郎中周宗本墓在梁山之原按

察使司林士元撰墓表

明舉人蔡一賜墓在洋坦村地

明進士蔡一德墓在本村后園地

清

清翰林院編修吳典墓在會同嘉積墟燈籠坡之右

清國子監學正舉人王時宇墓在蘇尋圖百合墟地

清舉人吳班墓在澄邑三頭嶺

瓊山縣志

卷十三

古蹟畧

六九

清孝子吳位和墓在六斗犂之原學士翁方綱撰墓誌銘

清孝廉方正舉人王承烈墓在坡博之原優貢曾日躋

撰墓銘

清戶部四川司主事舉人陳毓姜墓在坡雲村之原舉

人馮驥聲撰墓表

清賜進士鄭天章墓在烈樓市之原進士丘對欣撰墓

表

清賜進士柏邨縣知縣丘對欣墓在瀆涯村之原

清舉人隸直州深州鄭鎮墓在大厯水口之原

清賜進士潮州府教授王之藩墓在松山之原

清舉人吳魁朝墓在北美彥之原

清舉人馮珩墓在蘇尋二內山村
清舉人馮定儒墓在蘇尋二橋頭村
清舉人馮翰士墓在蘇尋一下口村
清舉人馮驥聲墓在蘇尋二龍坡山
清解元曾對顏墓在邁瀛村邁瀛邊
清舉人陳貞墓在批郊米舖村東邊園